

JUSTI . FONTANINI

ARCHIEPISCOPI . ANCYRANI

DISCUS

ARGENTEUS . VOTIVUS

VETERUM . CHRISTIANORUM

PERUSINÆ . REPERTUS

EX . MUSEO . ALBANO . DEPROMPTUS

ET

COMMENTARIO . ILLUSTRATUS

Ubi formulæ quædam & ritus præcipui
donaria sacra Deo in Ecclesia offerendi
singulatim enucleantur

CUM . FIGURIS

ROMÆ

Ex Typographia Rochi Bernabò in vico ad Muras

MDCCXXVII .

SUPERIORUM FACULTATE .

Et apud Pagliarinum bibliopolam in area Pasquini .




Biblot Secr.

Coll. Rom.

Sepr





Eminentissimo & Reverendissimo

DOMINO

FABIO . OLIVERIO

S. R. E. DIACONO . CARDINALI

SANCTORUM . VITI . ET . MODESTI



J. ARCHIEPISCOPUS . ANCYRANUS



*ERMAGNI jam-
dudum obse-
quii erga te
mei argumen-
tum aliquod,
EMINENTISSIME CARDINALIS ,
parare cupienti, unde plurimum*

IV EPISTOLA

tuorum in me officiorum summa patefieret, munus, tuo ingenio & pietate dignissimum, insperato se obtulit, videlicet sacrum donarium, Magni Constantini de Maxentio Tyranno victoria insigne, beato Petro Apostolo in Basilica Vaticana antiquis temporibus more Christiano & patrum nostrorum prisca illa religione dicatum. Est Discus argenteus, in re sacra utendus, a me brevi Commentario illustratus, in quo majorum venerandi ritus vo-
tiva

EPISTOLA V

tiva anathemata Deo in Ecclesia offerendi, pertractantur. Aptius munus pietati tuæ offerri vix poterat ac munus ipsum, Deo in honorem sancti Petri Apostoli olim oblatum: in cuius tu quidem obsequiis longo, fidelique Ecclesiæ Romanæ famulatu, tribus summis Pontificibus carus, tandiu peregregiam operam impendis, in unius Apostolicæ Sedis rem semper incumbens, ut ego complurium annorum oculatus & proximus testis inspicio. Pudor tuus de egregiis
mul-

VI EPISTOLA

multisque dotibus, quibus excellis, plura dicere non finit. Discum ergo, quem ex æde principe sancti Petri barbarus miles abstulerat, Perusiæ non ita dudum cum eodem milite effossum, inque Gazæ Albanæ sanctius lararium merito deinde translatum, perque Amplissimum Cardinalem ALEXANDRUM ALBANUM mihi commodatum, tibi, eidem conjunctissimo, in animi erga te mei significationem, quam opto ære ipso perenniore, restituo. Tu,
qua

EPISTOLA VII

*qua præstas comitate, hanc
in te meam voluntatem be-
nevole, ut soles, excipere
non graveris, meique, tuo
nomini summe devincti, ob-
servantiam, nunquam, nisi
mecum interituram existimes.*

PRÆ-

THE
JOURNAL
OF
THE
ROYAL
ANTHROPOLOGICAL
INSTITUTE
OF GREAT BRITAIN
AND IRELAND
VOLUME 10
PART 1
1880

P R Æ F A T I O



UJUSCUMQUE generis habeantur antiqui ævi reliquæ, has eruditioni promendæ, rei que literariæ sacræ & civili explicatione aliqua augendæ inferuire, neminem, qui penitiores disciplinas primoribus labris attigerit, puto ignorare; quandoquidem viri strenui lucubrationibus suis hoc non semel comprobaverunt. Hinc summo studio vigiliisque ad res Romanas, Græcas, Ebraicas, Ægyptias, Babylonias, Persicas & generatim Syriacas; Gothicas etiam ac Saracenicæ, & siquæ aliæ abstrusiores & peregriniores sunt, undequaque illustrandas a multis, clarisque ingeniis ætate nostra laboratum videmus. Mirari tamen vehementer subit, paucissimos dari, subacti judicii & elegantis doctrinæ viros, a quibus interiores Christianorum antiquitates, a nobis reliquæ polymathiæ præferendas, dedita opera, & lotis, quod ajunt, manibus,

b

con-

contrectari observemus ; quum tamē ea ,
 quæ nostrorum mores , ritus , & religionem
 respiciunt , ad animum , mentemque in-
 struendam supra alia conducant . De his
 vere ait Thomas Reinesius Variarum le-
 ctionum libro II. cap. II. pag. 131. *antiqui-
 tatis Christianæ particula quæcunque quavis
 pagana est nobilior , honoratiorque . Sed vere
 etiam Plinius junior libro VIII. epist. xx. ita
 natura comparatum , ut proximorum incuriosi ,
 longinqua sectemur .*

I

In hoc genus antiquitatis , Christiano
 homine dignum , quod nusquam aptius ,
 quam Romæ , ejus centro , excoli potest ,
 ubi in dies veneranda ejusmodi lipsana
 deteguntur , primi post Annalium paren-
 tem , ineunte sæculo XVII. incubuerunt
 Antonius Bosius & Johannes Severanus
 Romæ subterraneæ conditores , postmodum
 a Paulo Aringhio auctæ , inque latinum
 sermonem translatae . Eadem ætate post Ful-
 vium Ursinum illustres floruerunt Lælius
 Paschalinus (cujus museo Franciscus Bon-
 compagnius S. R. E. Cardinalis suum dein-
 de auxit) Franciscus Gualdus Ariminensis ,
 Ludovicus Compagnius , & Martius Mile-
 sius,

sius, Christianorum cimeliis & symbolis perquirendis mirifice intenti, atque hoc nomine passim laudati a Cæsare Baronio, Hieronymo Aleandro juniore, Laurentio Pignorio, Jacobo Sirmondo, Nicolao Fabricio Peireskio, aliisque Musarum mystis, quorum commodo opes suas patere voluerunt. Pignorium quidem *sacrorum monumentorum* librum Italice scriptum editioni parasse, auctor est Jacobus Philippus Tomasinus in ejus Elogio: ad quod genus studiorum Scipio Cobellutius S. R. E. Cardinalis sanctæ Susannæ, alter literatorum Mæcenæ, Pignorium traduxerat. Sed viri summi A. D. 1631. Patavii lue sæviente extincti literaria supellex ad Dominicum Molinum Senatorem Venetum, eruditorum laudibus clarum, devenit, a quo postmodum transit ad Franciscum Molinum Ducem Venetiarum Dominici fratrem, teste Jacobo Comite Zabarella in præfatione ad gentilis sui Francisci Cardinalis libros III. de *Felicitate*, Patavii excusos A. D. 1655.

I I

Nemo tamen de Christiana antiquitate æque benemereri olim studuit ac Justus Lipsii peramicus Johannes Macarius, cujus au-

reolam *Disquisitionem de Gemmis Basiliensis*,
 Johannis Chiffletii Canonici Tornacensis
 commentario auctam habemus. Is xx. an-
 nis in Urbe transactis adgressus est opus *ope-*
rosissimum, ut phrasi utar Sidonii ex libro
 ix. epist. ix. Sacras enim quascumque Chri-
 stianorum picturas, sculpturasque vetustio-
 res Romæ non solum in abditis cœmeteriis,
 sacrisque ædibus suo ævo exstantes, sed in
 gemmis etiam, earumque sensus ac my-
 steria accuratissime pertractavit. Origo &
 occasio scriptionis, quam in præfatione
 sua tradidit, hæc fuit. Quum A. D. 1578.
Urbe teste, eaque admirante, ut inquit Ba-
 ronius A. D. 57. §. cxii. detectum fuisset
 cœmeterium Priscillæ subterraneis cuni-
 culis distinctum in via Salaria, Alphonsus
 Ciaconius picturas in eo repertas sibi deli-
 neandas curavit, multasque ex aliis etiam
 veterum Christianorum latibulis deprom-
 pfit. Ciaconio deinde accessit Philippus
 Winthius nobilis Lovaniensis, cujus magna
 laus est magni eum Baronii laudes prome-
 ruisse A. D. 362. §. cxx. quemque *curiosum*
omnis antiquitatis indagatorem vocat Heri-
 bertus Rosvveydus in notis ad Paulinum
 Nolanum pag. 768. editionis Plantinianæ.

Ad

Ad Winghium in Urbe degentem Lipsius epistolam vii. Centuriæ 1. *ad Belgas* scripsit xviii. Kal. Junias A. D. 1592. Ejus etiam meminit Abrahamus Ortelius in Thesauro geographico v. *Fabateri*. Insignis supellex a Winghio Romæ delineata præconem habet Rosvveydum pag. 795. 799. Sed mox vir tantus Florentiæ, quo cimeterium Mediceum lustraturus diverterat, immaturo fato, magnoque rei literariæ damno extinctus est. Hoc loco Plinii junioris lib. v. epist. v. C. Fannii decessum lugentis verba succurrunt: *mibi autem videtur acerba semper & immatura mors eorum, qui immortale aliquid parant*. Winghio suffectus in eodem labore Antonius Bosius universas agri Romani arenarias subiit, imaginesque in iis atque alibi superstites, a pictoribus absolutissime expressas in unum collegit. Bibliothecam Winghianam Tornaci in æde principe exstare didicimus. De Winghii Adversariis MSS. præclarum judicium reddunt Chiffletii duo pater & filius, Johannes Jacobus quidem in Anastasi Childerici I. Francorum Regis cap. xviii. pag. 279. Johannes vero in *Judicio de Fabula Johannæ Papissæ* pag. 7. Winghii codex inscri-

scriptus, *Tituli sepulcrales*, memoratur in Majo Bollandiano tomo v. pag. * 223. num. 136. Macarius, cui Ciaconii, Winghii & Bosii triumvirorum ampla illa, & supra aurum ipsum pretiosa supellex visa, uti erat Latine, Græce, Ebraice, atque in omni antiquitate doctissimus, Bosio aliisque rogantibus, sacras Christianorum picturas & sculpturas, atque alias quascunque commentariis explicandas suscepit: quæ omnia ad finem suum egregie perducta vir eximius Græca voce *Hagioglypta* appellavit. Inde in Belgium reversus, Ariæ diem clausit extremum III. Idus Junias A. D. 1614. suaque scripta moriens legavit Bibliothecæ Collegii trilinguis Lovaniensis, unde A. D. 1638. ea propediem typos Plantinianos subitura, literato orbi spem fecit Aubertus Miræus in *Codice Regularum & Constitutionum clericalium* parte II. pag. 97. ubi Macarii *Hagioglypta* publica luce dignissima esse, ipse idoneus iudex testatur. Macarii laudes prædicant in Bibliothecis Belgicis Valerius Andreas Desselius, Antonius Sanderus, Franciscus Siveertius, & Miræus in scholiis ad Hieronymi Catalogum cap. XXI. Ex Macarii *Hagioglyptis* MSS.

MSS. Johannes Jacobus Chiffletius Crisi-
 historicæ de Linteis sepulcralibus Domini
 cap. xxviii. laciniam adfuit de Christiano-
 rum picturis, Lazari fuscitationem referen-
 tibus; aliam etiam suæ Anastasi cap. viii. de
 nominibus propriis, literarum implicatione
 contractis, quæ Macarius in absidibus sa-
 crarum Urbis ædium conspexerat. Johan-
 nes Chiffletius Macarii *Hagioglypta* laudat
 in Socrate pag. 35. inque Veteri imagine
 Deiparæ in jaspide viridi pag. 6.

III

Tam sagacibus & curiosis Christianæ
 antiquitatis indagatoribus, omni præconio
 cumulandis, successit magnus ille Musæ-
 rum Genius Franciscus Barberinus senior
 S. R. E. Cardinalis, postmodum Vicecan-
 cellarius & purpurei Senatus princeps.
 Hic omnibus ingenii, naturæ, & fortunæ
 ornamentis instructus, religione, probita-
 te, doctrina, & magnificentia non uni Ro-
 mæ, sed toti orbi admirandus, in longo
 quinquaginta & eo amplius annorum spa-
 cio, quod, longiori atque immortalis di-
 gnissimus, in Cardinalatus fastigio transe-
 git, decus & cultum optimarum artium
 libe-

liberalissime amplificavit : quæ semper ejus nomen ubique locorum circumferent . Ubi enim vir inclytus in comitiis Conso publice litaverat , domi postea Minervæ sacris operabatur , utrumque summa cum dignitate exequi solitus . Ad perennem viri gloriam dicere sufficit , ex ejus contubernio , tanquam ex museo Alexandrino , prodiiisse eruditorum Plejadem , Hieronymum Aleandrum juniorem , Nicolaum Alemanum , Johannem Baptistam Donium , Lucam Holstenium , Leonem Ailatium , Claudium Menetrejum , Josephum Mariam Suaresium . Hos exceperunt Fridericus Ubaldinus , Felix Contelorius , Cassianus a Puteo . Paucos ex plurimis indico . Nec minor illorum fuit chorus , quos non sine maximo Romanæ Ecclesiæ splendore ejus gratia , effusa comitas , & par liberalitas fovens (typographejo etiam proprio ære instituto) ad literarios , ut plurimum sacri argumenti , labores exantlandos excitavit . In hunc ordinem ex nostratibus atque exteris veniunt M. Antonius Cappellus , Ferdinandus Ughellus , Lucas Waddingus , Jacobus Sirmondus , Dionysius Petavius , & Johannes Bollandus , qui Cardinalem Barberinum *eruditorum*

rum virorum Macenatis perpetui elogio honestavit. Horum numerum auxerunt Petrus Possinus, Petrus Franciscus Chiffletius, Johannes duo, Morinus & Pricæus, Gabriel Naudæus, & Theodorus Ryckius: ejusdemque munificam voluntatem experti sunt Jacobus Goarus, Petrus Lambecius, Philippus Labbeus, Henricus Valesius & Philibertus Mareus. Agmen claudunt alii sacræ literaturæ antistites, Cornelius Margarinus, Johannes Bona, Henricus Noris, Angelus a Nuce, Christianus Lupus & Josephus Maria Thomafius. At qualia quantaque nomina! Horum aliquos sua virtus postea ad amplissimas dignitates evexit. Quantum Barberinis Manibus ecclesiastica antiquitas debeat, Lateranenses parietinæ, quæ jamjam perituræ in tenebris jacebant, instauratæ, loquuntur, cumque his plurima prisca ævi cimelia, rei Christianæ illustrandæ profutura, quæ lararium Barberinum, Philologiæ Mercurio nuptæ cultoribus adeundum, & Severani jamdudum atque Alemanni verbis clarum, locupletarunt. Pro re nata libenter his paucis sine gratia, sine invidia magni viri memoriæ parentavimus, qui semper desiderabi-

c

tur,

tur, quemque animi dotes & plurimæ scriptorum illustrium laudes magis, quam dignitas, licet amplissima, communi reliquorum forti eripuerunt. Huc aurea plane verba Minucii Felicis in Octavio cap. xxxvii. referenda: *Fascibus & purpuris gloriaris? Vanus error hominis, & inanis cultus dignitatis, fulgere purpura, mente sordescere. Nobilitate generosus es? Parentes tuos laudas? Omnes tamen pari sorte nascimur, SOLA VIRTUTE distinguimur.*

I V

Quin res Christianas universas, simplicitate sua magis, quam artis præstantia venerabiles, permagni referat illustrari, nemo his sacris vel leviter initiatus in dubium vocaverit. Id olim ostensum ab juniore Aleandro in Explicatione gemmæ Græcæ anularis, navim, Ecclesiæ symbolum, continentis. Nec sua laude fraudandi Johannes Ciampinus, & Raphael Fabrettus, de Christianis antiquitatibus præclare meriti, quorum prior sacra Musiva ab se collecta æri incidenda curavit; alter quamplurimas inscriptas tabulas ex cœmeteriorum cryptis, quibus præfuit, eductas, ab interitu eripuit.

puit. Hoc idem, de quo loquimur, argumentum nuper uberrimo doctrinæ apparatu, plaudentibus sanctioribus Musis, pertractavit vir senatorii ordinis, omnis eruditionis sacrae & profanae consultus, idemque amicus noster optimus, Philippos Bonarotius, qui diu Romæ versatus, postquam in nummos rariores maximi moduli ex penu Casparis Carpinei S. R. E. Cardinalis eductos observationes, bonæ frugis plenas, scripisset, ad Christianorum titulos, & toreumata, in vasis, & id genus antiquis lipsanis, majorum nostrorum ritus & religionem spectantibus explananda animum adpulit, remque ipsam iusto volumine absolvit, quo rei sacrae studiosos sibi nobilissime demeruit. Ego tam præclaris exemplis instructus, *Discum* veterum Christianorum, anaglypho opere insignem, & magis in recessu, quam in prima fronte spectabilem, explicare adgredior.

V


Anno Christi Domini 1717. die XIV.
Januarii Perusiae e regione arcis, quæ proxima est geminae viæ, in totidem foreaxeunti, viro generoso Philippo Doninio

fundamenta novi palatii intra moenia antiqua civitatis, arcemque ad plagam occidentalem substruente, latomi ollam sive amphoram ex ære cyprio detexerunt, in qua nummi aurei cxi. Justiniani, Justinique junioris Augustorum reperti sunt, utrique unius moduli & typi. Ex olla, ferreo ligone operarum contusa, aqua flavata atque adeo foetens manavit, ut sua mephiti omnes in fugam verterit. Ejus jacturam chymici adhuc lugent. Ad hæc eruta pulcherrima *fibula* aurea, digiti humani longitudinem æquans, lata vero duos. Vestiarium putamus, cujusmodi præter Childericianas apud Johannem Jacobum Chiffletium in Anastasi cap. xvi. pag. 236. nullam hactenus videre contigit in earum numero, quas curiosorum oculis inspiciendas exposuerunt eruditione percelebres viri Pignorius in Commentario de Servis, Johannes Rhodius in Dissertatione de Acia cap. v. & post hos Johannes Baptista Casalius de Antiquis Romanorum ritibus cap. xix. pag. 188. & Ludovicus Moscardus in Museo lib. i. cap. lv. pag. 102. Mox detecta *catenula*, pariter aurea duos palmos longa, geminæ *inaures*. & totidem *anuli*: omnia ex auro purissimo.

Hæc

PRÆFATIO XXI

Hæc ad mensuram ipsam in æs viriculo
expressa exhibemus.



Paulus Ritsa Scul.

Ex museo Albano.

1. Fibula pars anterior. 2. Fibula pars posterior. 3. Anulus 4. Anulus
5. Catenula 6. Indauris.



Num. 1. & 2. fibulam utrinque delineatam, num. 3. & 4. anulum, num. 5. catenulam, num. 6. in aurem adspicimus. *Discus* etiam *argenteus* prodiit, duos palmos infra laminam plumbeam locatus, quæ longa erat palmos x. lata iv. pondo xxx. librarum. *Discus* est, quem item incisum & explicatum vulgamus. Mox cadaver, communem magnitudinem superans, ut ex ossium juncturis observatum, sub magnis *tegulis* latens effossus. Tegulas *saracenicæ* Perusini appellant, nempe sepulcrales, atque *ethnicæ* vetustatis. *Ethnicos* enim, *paganorum* & *saracenorum* nomine vulgo dictos prodit Historia Caroli Magni lingua Gallica veteri scripta apud Chiffletium in Anastasi cap. v. pag. 81. ubi de Meroveo Rege Francorum sic legitur: *il regna dix ans: puis trespassa Sarrazin*, idest: *regnavit decem annos, deinde obiit Saracenus*, nimirum *paganus*, sive *gentilis*. Alii perinde reges Francorum idololatræ in eadem Historia *pagani* decessisse dicuntur. Confer Cangii Glossarium v. *Pagani* & *Saracini*. Omnia iudicio aurificum, ad monetæ Romanæ pretium scutorum, 415. redacta sunt. In uno ex anulis achates visus, in quo gemina manus, in signum

foc-

foederis juncta, minutissimis literis sursum & deorsum inscriptus: quæ postmodum ob achatem ex anulo lapsum, nec amplius visum, lectæ non sunt. Quidni lectum, UTERE FELIX? Certe in jaspide, in quo sponsi junctis manibus insculpti, sic legit oculatissimus Bonarotius in Observationibus ad Vasa vitrea antiquorum pag. 208. Civitatis prætor hæc omnia ad fiscum pertinere decernit. Quare Doninius Urbemveterem petit, ubi S. R. E. Cardinalis Ferdinandi Nuptii literis munitus, Romam proficiscitur, ab se reperta exhibiturus purpurato viro Johanni Patricio, Comitissæ sacrarum largitionum vice fungenti. Ab hoc autem nummi aurei cxxv. Doninio restituti, *Discus* una cum reliquis in Gazam Albanam illatus. Hæc pleraque alternis literis suis me docuerunt viri præclari, quos honoris causa nomino, Petrus Cannerus Abbas ex Congregatione monachorum Camaldulensium, & Adamantius ex Comitibus a Monte Mellino, prisca ævi laudicis maxime deditus. Sed quorsum hæc, inquires, tam minute descripta? Locus ad finem Civitatis, ubi cadaver cum opibus suis conditum, me in eam cogitatione-

tionem inducit, ut Gothi cujuspiam, præda Romana superbi, illud fuisse arbitrer. Veterum Germanorum mos tulit, ut cum thesauris & opibus suis cadavera humarent. Id a Francis, Gothis, & Langobardis, qui omnes natione *Germani*, servatum est. Alaricum Regem Gothorum Consentiæ in Lucania cum thesauris suis tumulatum tradit Jornandes cap. xxx. de Rebus Geticis: cujus verba adscribam, quia Barbarorum immanitatem ob oculos ponunt: *Barentinum amnem* (alii *Basentinum* & *Basentium* dicunt, qui nunc *Vasento* dicitur) *juxta Consentiam civitatem de alveo suo derivant. Nam hic fluvius a pede montis juxta urbem dilapsus, fluit unda salutifera. Hujus ergo in MEDIO ALVEO, collecto captivorum agmine, SEPULTURÆ locum effodiunt, in cujus FOVEÆ gremio Alaricum cum MULTIS OPIBUS obruunt, rursusque aquas in suum alveum reducentes, ne a quoquam quandoque locus cognoscereetur, fossorēs omnes interemerunt. Ex Jornande rem sumsit Paulus Diaconus in Historia Miscella libro XIII. pag. 399. Idem Jornandes cap. XLIX. de Attila Hunnorum Rege ait: noctu SECRETO cadaver terra reconditum, & quidem AURO, ARGENTO, & ser:*

ferri rigore communitum, . Postmodum hæc subjicit : & , ut TOT & TANTIS DIVITIIS humana curiositas arceretur , operi deputatos detestabili mercede trucidarunt . Johannes Schefferus in Upsalia antiqua cap. xviii. pag. 360. narrat , Svecos , Gothorum sobolem , suis quoque *opibus* consепultos . De Danis & Borussis idem testantes Scheffero jungendi Olaus Wormius in Museo lib. iv. cap. vi. pag. 361. Thomas Bartholinus junior in Antiquitatibus Danicis lib. iI. cap. ix. pag. 431. & Theophilus Sigefridus Bayerus cap. vii. elegantis Commentarii nuper editi de Nummis Romanis in Prussia repertis . Nec prætereundus Johannes Mabillonius in Dissertatione de antiquo ritu sepeliendi Reges Francorum , quæ existat in ejus Operibus postumis tomo iI. ubi pag. 53. & 54. ob causam persimilem autumat , primos Francorum Reges nullum conditoriis suis exterius signum addere consuevisse , ne a prædonibus , opes sepultas auferendi avidis , subverterentur . Hoc apud Gothos utrosque , occidentales & orientales , Alamannos , Bavaricos & Langobardos sæpe factum , ex eorum legibus , in sepulcrorum violatores latis , mox pandam . Ri-

d tum

tum vero ethnicum, de quo loquimur, in primis mirifice comprobat Thesaurus sepulchralis Childerici I. Regis Francorum, *Attila* æqualis, Tornaci A. D. 1653. effusus, quem Johannes Jacobus Chiffletius commentario descripsit, cui *Anastasis* titulum fecit. Brevem ejus analyfin dedit Carolus Cointius in Annalibus ecclesiasticis Francorum tomo I. A. D. 481. §. XVII. Sed Johannes Harduinus, ritus barbarici ignarus, in Operibus selectis pag. 424. in fine quædam pro more suo, aliis indicta, de hoc Thesauro commentus est. His refellendis immorari nostra non interest, præsertim quum ejusmodi sint, quæ nemini in his rebus tantillum versato negotium aut fucum facere posse arbitremur. Paucis vero illis sive multis bene sit præstantissimis viris, quibus arrident. Nobis Italis non licet esse tam beatis. Sirmondos enim, Petavios, Chiffletios, Labbeos, similesque dum persæpe laudamus, novam & præclaram sobolem alio ferri non invidemus: nec ipsi tamen, viri optimi, hanc simplicitatem nobis invident, qui ceteroqui in perpulchris Diariis suis nunquam aliena, sua semper & suorum una laude pascuntur. Cui bono, ipsi
no-

norunt . Alii enim alio plane itinere bonam famam sibi parare contendunt .

VI

Ingens Codex legum antiquarum Frederici Lindenbrogii nonnulla in rem, de qua agimus, subministrat . In Legibus Wisigothorum lib. xi. tit. iI. §. i. pag. 205. hæc leguntur : *siquis sepulcri violator exstiterit , aut mortuum exspoliaverit , & ei aut ORNAMENTA , aut VESTIMENTA abstulerit , si liber hoc fecerit , libram auri coactus exsolvat heredibus mortui , & quæ abstulit , reddat . Quod si heredes non fuerint , fisco nostro cogatur inferre , & præterea centum flagella suscipiat . Servus vero si hoc scelus admiserit , ducenta flagella suscipiat , & insuper flammis ardentibus exuratur , nihilominus redditis cunctis , quæ ausus est abstulisse .* Exstat Edictum Theoderici Regis Ostrogothorum , quo cap. cx. pag. 255. ei poena mortis infligitur , qui *sepulcrum destruxerit* . Ex legibus Alamannicis pag. 376. §. 1. & Bavaricis pag. 434. tit. xviii. poenam quoque statutam habemus in eos , qui *mortuos effoderint & exspoliaverint* . Idem servatum a Longobardis . Etenim lib. 1. tit. xii. pag. 537..

Rex Rotharis hæc sancit : *si quis sepulcrum hominis mortui RUPERIT , & corpus EXSPOLIaverit , aut foris jactaverit , DCCCC. solidos sit culpabilis parentibus (id est consanguineis) defuncti . Et si parentes proximi non fuerint , tunc gastaldius Regis , aut Sculdafius requirat culpam ipsam , & ad curtem Regis exigat .* Rex Grimoaldus pag. 584. hoc iussit : *si SPOLIA de homine sepulto servus de sepultura tulerit , de quanto tulit , dominus ejus reddat , & componat , ut dictum est , solidos LX. & persona tradatur ad occidendum .* Leges Ripuariæ tit. LIV. §. II. pag. 460. & tit. LXXXV. §. II. pag. 469. iis poenam decernunt , qui mortuum effodere præsumserint . Salicæ idem statuunt tit. XVII. ubi videndus in notis pag. 41. V. C. Johannes Georgius Eccardus , antiquitatum Germanicarum scientissimus . Sed ante omnes sanctum Zenonem episcopum Veronensem , sæculi IV. scriptorem , quem Isaacus Casaubonus ad Capitolinum in Marco cap. v. *Latinorum patrum elegantissimum* dicit , in avaros , sepulcra defodientes , clamare audio . Verba sunt in Sermone I. de Avaritia pag. 375. editionis Veronensis : *si orbem totum possideant , fines oderunt . Illicitum putant habere*
vi-

vicinum . Construunt pradia , sepulcra DEFO-
DIUNT . Zeno hic tangit , ut auguror , suæ
parocix Alpinos populos , adhuc barba-
ros & gentiles .

VII

Ex locis hucusque congestis una coeun-
tibus compertum fit , ritum ejusmodi apud
Gothos , reliquosque populos , *Germanorum*
nomine comprehensos , æque viguisse quan-
diu in gentilitate vixerunt , ac postquam ad
Christianam religionem traducti , Arianos
errores in Italia profiterentur . Atque hanc
puto esse causam , cur apud nos *Gothica* &
Langobardica conditoria nulla , aut perquam
rara existent non solum privatorum homi-
num , sed eo magis Regum & virorum ,
principum , qui in Italia sæculis v. vi. vii.
& viii. rerum potiti sunt ; quod scilicet
ritus sepeliendi mortuos , auro & gemmis
ornatos , vetaret , sepulcris externa signa
adponi , unde nocturnis prædonibus eadem
violandi occasio daretur . Hinc palam fieri
arbitror , hominem Gothum fuisse , cujus
cadaver *Disco* argenteo , auro & gemmis
tectum , in parte extrema Perusinæ civitatis
post sæculorum memoriam repertum est .

Mi-

Militari officio functum, ex *statura* deducitur. *Milites* enim non tantum ætate ac fortitudine, sed *statura* æstimabantur. Hac de re videndus Jacobus Cujacius *Observationum* libro *xxi.* cap. *v.* & Melchior Goldastus in notis ad Dositheim magistrum lib. *III.* pag. 27. In *quinque pedum*, *septemque unciarum usualium* altitudinem *cirones* deligi jubet Valentinianus *I. Imp.* in *Codice Theodosiano* lib. *viii.* tit. *xiii.* de *Tironibus* *L. III. Magno, Vicario Urbis* inscripta *v. Kal. Majas A. D. 367.* Verba hæc sunt: in *quinque pedibus & septem unciiis usualibus delectus* habeatur, ubi consulendus Jacobus Gothofredus. Huc pertinet *Ænigma xci. Symposii de milite podagrico*, quod de *equite* perperam inscribitur:

*Bellipotens, olim sævis metuendus in armis,
QUINQUE PEDES habui, quos unquam nemo negavit,
Nunc mihi vix duo sunt: inopem me copia fecit.*

Symposii centum *Ænigmata* nuper Lactantio vindicatum ivit eruditus Christophorus Augustus Heumannus in editione, *Hanoveræ* curata *A. D. 1722.* *Poeta Gallus perantiquus* dicitur ab Andrea Schotto libro *III.*
ob-

Observationum cap. xx. in fine : deque nominis veritate non ambigit Caspar Barthius in Adversariis libro LVIII. cap. 1. habetque vades sanctum Aldhelmum sæculi VII. scriptorem in prologo II. Ænigmatum, & Sigebertum in Catalogo cap. cxxxII. Vide Johannem Albertum Fabricium in tomo III. Bibliothecæ latinæ pag. 271. & 998. Mihi ex locis jam indicatis planum quodammodo fit, *Symposium*, Lactantio juniorem, floruisse post A. D. 367. Legem enim Valentiniani I. *quinque pedum* in suo Ænigmate fideliter exprimit, unciis VII. quod eas versus non caperet, neque Ænigmatis lusum juvarent, silentio præteritis. Quod enim inter Veteres poetas a Petro Pithœo editos legitur *sexque pedes*, hoc ab eo intrusum, qui Ænigma de *milite* inscribendum, de *equite* inscripsit, quod nimirum *equi* & *equitis* pedes *sex*, non *quinque* numerarentur. Sic porro explicavit Claudius Salmasius cap. 1. de Re militari. Sed recte Josephus Castalio in scholiis pag. 51. editionis III. Romanæ, in *quinque pedibus unam longitudinem corporis latere* subodoratus fuerat. Quare postea non debuit Pithœanam lectionem amplecti. Vegetius, qui Valentiniano II. inscripsit

psit opus suum de Re militari, lib. i. cap. i. militum *Germanorum proceritatem* exaggerat. Solinus initio capitis xx. de Germania, ejusque incolis ita scribit: *dives virorum terra, frequens populis numerosis, & IMMANIBUS.* Idem Vegetius cap. v. ait, *quondam* (ante legem a Valentiniano I. latam) *senos pedes vel certe quinos, & decem uncias* habentem requisitam fuisse tironum proceritatem. De hac Guillelmus Appulus in poemate historico de Gestis Normannorum lib. i. sic canit:

*Teutonici, quia casaries & forma decoros
Fecerat egregie PROCERI corporis illos,
Corpora derident Normannica, quæ breviora
Esse videbantur.*

Sidonius Francos, Germanorum sobolem, *proceros* vocat carm. v. v. 243.

*Strictius assuta vestes PROCERA coercent
Membra virum.*

Eidem *septipedes* sunt Germani carm. xii. v. ii. Sico Princeps Beneventanus, utpote gente Langobardus, hoc est Germanus, apud Camillum Peregrinium in Historia Prin-

xxxiv PRÆFATIO

Theodericum Regem Gothorum in Edicto cap. cxi. pag. 255. gravi eos poena multasse, qui *intra urbem Romam cadauera sepelirent*.

Gothum nostrum sæculo vi. terræ mandatum satis produnt nummi aurei Justiniani & Justinii I. Augustorum cum ipso reperti. Duos ex illis proferre non pigeat. Sunt enim omnes unius formæ, ut dictum est. Eadem lemmata & figuræ singulis insunt, quanvis non omnes unicum typum subierint.



Fau. Filarete del. Scul.

DN.

P R Æ F A T I O xxxv

I

DN. IVSTINIANVS PPA

Imperator cum galea cristata. Dextera globum cruci subiectum, sinistra clypeum tenet, cui inscriptus eques.

VICTORIA AVGGGS

Victoria stans. Dextera hastam crucigeram, sinistra globum crucigerum tenet, sub quo stellula. Infra CONOB.

Justiniani aureos nummos, huic persimiles; vide apud cl. Anselmum Bandurium to. 11. Numismatum Impp. pag. 633. & apud Franciscum Mediobarbum in Occone aucto pag. 562. qui eos illigat A. D. 533. de quo tamen non constat.

2

DN. IVSTINVS PPAVG

Imperator cum galea cristata. Dextera globum, cui insistit victoriola ferrum porrigens, sinistra clypeum tenet, cui eques inscriptus.

VICTORIA AVGGGZ

Figura stolata & galeata sedens, dextera hastam, sinistra globum crucigerum tenet. Infra CONOB.

His quoque persimiles nummos pandit Bandurius pag. 651. & Mediobarbus pag. 570. qui eos defigit A. D. 570. Literam Græcam numeralem z in averfa parte post AVCC, seu,

c 2

feu, quod idem est, avggg. signatam, fabricæ monetælis numerum putat Chiffletius in Anastasi cap. xviii. pag. 264. Ego annum vii. Imperii denotare arbitror, qui incidit in A. D. 571. Chiffletium hac in re triplex error fefellit in literis numeralibus Græcis male perceptis: quas nummi etiam Latini, media ætate apud Græcos cusi, identidem præferunt.

Primo enim notam s, quæ numerum vi. designat, ipse pro xviii. litera latini alphabeti perperam sumit.

Secundo literam v, quæ Græca non est, ipse in nummis Zenonis Augusti pro litera latina xx. accepit, quando ex more pronuntiationis est Græca s, numerum iI. exprimens, ut apud Bandurium to. iI. pag. 600. in altera parte nummi aurei Zenonis VICTORIA AVGGG V. pro s. Promiscua hæc duarum literarum usurpatio in nummis & lapidibus, nedum codicibus MSS. frequentissima est, atque omnibus nota. Adi Johannem Passeratium in libro de Literarum inter se cognatione ac permutatione pag. 156.

Tertio. Chiffletius notam z putavit literam latini alphabeti xxiii. quando tamen

PRÆFATIO XXXVII

men numero VII. respondet. Nummi Græci antiquiores, ex quibus Henricus Noris, purpurei fastigii decus eximium, Epochas suas traxit, rem extra omnem dubitationis aleam ponunt. Sunt & aliæ numerales notæ in nummis *Zenonis* apud Chiffletium aliosque, ut suspicor, pensiculatius considerandæ. Hæ vero sunt

o pro e 9

f pro e 5

c pro e 9

Ante Constantinum Magnum triplex litera GGG totidem Augustos, cumque illis aliquando Cæsares, comprehendit. Deinde utrosque simul, Orientis & Occidentis Imperatores. Sæculis v. & vi. difficillimum est tres illas literas congrua explanatione *Augustis* adcommodare, nisi dixeris, inferioris ævi monetarios superiorum typis usos etiam postquam plures Augusti simul esse desissent. Nicolaus Alemannus in notis ad Procopii Historiam arcanam, cap. ix. triplicem literam GGG non *trium Augustorum* indicium, sed *incisorum abusum* vocat. Eam alicubi fortuito sic positam credit Antonius Pagius, reclamante nihilominus Johanne Georgio Eccardo in Episto-

la de Nummis sub Theoderico Rege Ostrogothorum percussis. An typos superiorum Augustorum, in quibus eadem triplex litera G G G esset expressa, novi monetarii aliquando usurpasse dicendi sint, alii viderint. Certe interdum id factum non diffitetur Eccardus in fine Epistolæ, ubi observat, in nummis *Baduila* seu *Totila* Regis, & *Teja*, cujus morte Ostrogothorum in Italia regnum defecit, Anastasii & Justinii I. Augustorum imagines & nomina exstare, qui tamen jamdudum excefferant. Nos ex nummis *Justinii* I. cum hominis cadavere effossis, hunc sub eodem *Justino* decessisse credimus. Nullus enim ibi nummus *Tiberii Constantini*, qui *Justinum* I. excepit, repertus est. Chiffletius in Anastasi cap. xvii. pag. 249. inter numismatum utilitates illam recenset, quod characteribus temporum certis sepulcrorum ac thesaurorum ævum ac vetustatem ostendant. Aubertus Miræus in Chronico Rerum Belgicarum A. D. 1607. pag. 457. narrat, thesaurum mille & sexcentorum aureorum numismatum in Flandria repertum. Hæc erant *Domitiani*, *Trajani*, *Hadriani*, *Matidia*, *Sabina*, *L. Aelii*, *Antonini Pii*, utriusque *Fausti*

Stina, *M. Aurelii*, *L. Veri*, & *Lucilla*. Ex unico vero *Commodi Cæsaris*, adhuc imberbis nummo cum epigraphe in priori area COMMODO CAES. AVG. FIL. GERM. SARM. inque averſa parte PRINC. IVVENT, *Miræus* vir ſagax theſaurum illum aureum circa A. D. 176. *M. Aurelio* imperante, ejusque filio *Commodo Cæſarem* agente, deſoſſum agnovit. Idem ſcriptor A. D. 1631. pag. 503. alium theſaurum, ſed argenteum, prope Antverpiam erutum memorat, in quo *Caracalla*, *Julia Mamae*, *Elagabali*, *Severi Alexandri*, *Gordiani*, *Philippi utriusque*, *Marcia Otacilia*, *utriusque Decii*, *Treboniani Galli*, *Voluſiani*, *Valeriani*, *Gallieni* numiſmata erant; nullum *Poſtumi*, cujus plurima alias in Belgio paſſim ab agricolis erui. *Miræus* tradit A. D. 263. pag. 42. Quare theſaurum illum argenteum circa A. D. 260. ante *Poſtumi* in Gallia Imperium, in ſinum magnæ matris fuiſſe reconditum *Miræus* optime exiſtimavit. Pari quoque modo *Chiſſletius*, quum inter centum nummos aureos in *Childerici I.* conditorio repertos unicus eſſet *Zenonis Auguſti*, commodè aſſequutus eſt, *Childerici I.* ſub *Zenone* extincti, non alterius, eſſe anulum ſignato-

to rium & reliquum thesaurum, Tornaci defoffum. Extinctus est Childericus A. D. 481. adeoque VIII. non VII. *Zenonis* anno. Hujus nummus cum eo repertus pag. 252. est XII. sic inscriptus in postica, VICTORIA AVGGG. A, nempe anno IV. qui concurret cum A. D. 477. adeoque non VII. *Zenonis* Imperii anno, ut Chiffletio visum est, neque etiam VIII. Ne longior sim, thesaurum omnium maximum & opulentissimum aureorum numismatum Consularium sub finem anni 1714. inter Mutinam & Brixillum aratro detectum constat, annoque 1715. clanculum inde sublatum. Omnia in *Triumviratu* cusa erant: partim vero post Julii necem, & ante Imperium *Octavii*, cujus effigiem cum elogio *Triumviratus*, cumque Agrippa *Consule designato* præferebant; unde Carolus Cæsar Baudelotius, rei antiquariæ apprime consultus, in Explicatione nummi aurei familiæ Cornutiæ post Epistolam de Solone gemmarum scalptore pag. 3. olfecit, hanc fuisse arcam militarem exercitus, quem L. Antonius & Fulvia Marci fratris uxor A. V. 713. & 714. contra Augustum delegerant. Quare post A. V. 715. quo Agrippa pro anno insequente *designatus Consul*, the-

thesaurus ille sepultus est circa tempus, quo Perusia ab Octavio obsessa, judice Baudelotio; annoque propterea ante Christum natum xl. ex Jacobo Usserio in Annalibus pag. 538. De hoc thesauro plura nuper scriptimus ad clarissimum & amicissimum virum Bernardum a Montefalconis, legenda in ejus Supplemento antiquitatis explicata to. II. cap. vi. pag. 137.

IX

Miles ergo sub Imperio Justinii II. qui alias *junior*, *Thrax*, & *Curopolata* cognominatur, *Perusia* cum auro & argento conditus est. Roma A. D. 549. a Totila, post Witigem Theodahati successorem novo Rege, obsessa, belli Gothici Justiniani anno xv. ex calculis Pagii, secundo capta est. Totilas eam ferme quadriennium occupavit, quo tempore populus Romanus vere captivus vocari potuit. Vide Procopium de Bello Gothico lib. II. cap. xxxvi. Tunc a profanis manibus *donaria* sancti Petri ablata arbitramur, inque his *Discum* sive *Gabatam*, postea impio militi confepultam. Idem Procopius lib. II. cap. xxv. narrat, anno xii. belli Gothici, quem Pagius defigit A. D. 546. Totilam,

f

pri-

primitus Roma capta, Belisario Byzantium profecto, sublatoque Cypriano Perusiæ Duce, ad hujus civitatis obsidionem copias misisse. Postea lib. II. cap. xxxv. hæc scribit: *tunc & Perusiam, urbem Tusciæ principem, dira obsidione cinctam reliquit, quæ, dum ille esset in via, vi capta est.* Ex eodem historico hæc evenerunt anno belli Gothici xiv. qui A. D. 548. omnino connectitur. Gregorio Magno teste in Dialogis lib. II. cap. xiii. *Totila exercitus eandem urbem annis VII. continuis obsedit.* Hoc omnes scripti codices dicunt, ne nos cum viro percelebri *mensēs* pro *annis* ex ingenio substituamus. Gothis enim Æmiliam, Picenum, Umbriam & Tusciam ab A. D. 542. occupantibus (quod patet ex Chronico Marcellini Comitis) *Perusia* quoque septennio *obsessa*, vel potius *circumfessa*, dici potuit. Quare per ea tempora, & fortasse circa A. D. 552. ex urbe Roma post quadriennium fugientibus Gothis, Totilaque interemto, dum Narfes eam occupavit, *Discus* ex sancti Petri basilica ablatus est, & *Perusia* cum prædone sepultus post A. D. 565. quo Justinus II. Justiniano successor datus; immo post A. D. 571. quo cusi fuerant nummi

Ju-

Justiniani I. cum Gotho reperti; si litera quidem illa numeralis post AVGGG. x annum VII. Imperii designat. Narfes Justiniani primum, & deinde Justiniani I. summus copiarum dux *Perusiam* recepit anno XXVI. Justiniani, sive A. D. 552. ex Procopio lib. IV. cap. XXXIII. Quare *Gothus* ille in castra Justiniani & Justiniani I. transiisse dicendus est; quippe qui a capta per Totilam Regem *Perusia*, sive ab A. D. 548. ad A. D. 571. ibidem manserit, diemque supremum obierit. Hæc omnia nos monent quanti referat, loca speciatim sciri, ubi vetustatis reliquiae effodiuntur.

X

De sacri anathematis detectione hæc præfati, jam ad *Discum* ipsum propius contrectandum accedimus, pium ritum, sinceræque religionis plenum enarraturi, quo veteres Christiani Deo immortalis in ædibus ei dicatis dona offerebant, quæ ipsi, acceptorum beneficiorum probe memores, non sua, sed donorum ipsius Dei partem dicere consueverunt. Variis hæc testimoniis atque ævi semiprisci reliquiis, in quibus pura & minime fucata simplicitas po-

tius, quam elegantia spectatur, illustrare studemus. Hanc enim majores nostri, nudæ veritatis pulchritudine capti, plerunque negligere visi sunt: quod non tantum plurima exempla, sed adversus gentilium calumnias & irrisiones diserta nec pauca Arnobii loca nos docent, qui vulgarem & simplicem illum Christianorum sermonem libro 1. contra Gentes his tandem verbis tutatur: *quum de rebus agitur, ab ostentatione submotis, quid dicatur spectandum est, non quali cum amœnitate dicatur; nec quid aures commulceat, sed quas afferat audientibus utilitates.*

INDEX

CAPITUM

I.	<i>Discus Christianus Perusie repertus quanti faciendus .</i>	pag. 1
II.	<i>Discus Perusinus est Gabata votiva .</i>	2
III.	<i>Sacra Gabata varii generis .</i>	5
IV.	<i>Gabata & anathemata multa apud veteres Christianos .</i>	7
V.	<i>Sacra ministeria , idest sacra vasa , ubi adseruata .</i>	11
VI.	<i>Disci Perusini & veterum clypeorum cælatura .</i>	12
VII.	<i>Cædes Maxentii Tyranni in Disco Perusino expressa .</i>	14
VIII.	<i>Disci Perusini inscriptio explicatur .</i>	16
IX.	<i>Formula de donis Dei in Disco expressa illustratur .</i>	19
X.	<i>Munera per formulam de donis Dei , & beatæ Mariæ Virginis , Ecclesiis oblata .</i>	22
XI.	<i>Alia munera per formulam de donis Dei in ecclesiis oblata .</i>	25
XII.	<i>Alia munera sub eadem formula de donis Dei in ecclesiis oblata .</i>	29
XIII.	<i>Gregorii I. Pont. Max. donatio Petro & Paulo Apostolis facta .</i>	35
XIV.	<i>Petrus Apostolus non sancti , sed domini vocabulo ornatus in Disco .</i>	36
		XV.

XLVI INDEX CAPITUM.

XLV.	<i>Formula de Donis Dei a summis pontificibus usurpata.</i>	45
XVI.	<i>Formula de donis Dei est mere liturgica.</i>	46
XVII.	<i>Orbiculi votivi, thoraces etiam dicti, alias clypei.</i>	50
XVIII.	<i>Alia formula Disci Perusini, utere felix.</i>	55
XIX.	<i>Discus Perusinus ad quem usum oblatus in ede sacra?</i>	59
XX.	<i>Vasa aurea & argentea a principibus viris oblata in edibus sacris.</i>	62
XXI.	<i>Ritus vasa aurea & argentea Deo offerendi illustratur.</i>	63
XXII.	<i>Ritus offerendi literas donationum testes super altare.</i>	66
XXIII.	<i>Donationes ecclesiis factae, ipsi Deo sunt factae.</i>	69
XXIV.	<i>Donationes ecclesiis factae, sacrificium, dictae.</i>	73
	<i>Figurae.</i>	
1	<i>Fibula, catenula, anulus, & inauris.</i>	xxi
2	<i>Nummi Iustiniani & Iustini II. Imp.</i>	xxxiv
3	<i>Discus Perusinus.</i>	3
4	<i>Arcus & inscriptio Tiberiaci.</i>	32
5	<i>Nummus cum imaginibus sanctorum Petri & Pauli.</i>	38
6	<i>Aselli pueri Christiani inscriptio cum imaginibus sanctorum Petri & Pauli.</i>	40
7	<i>Summorum Pontificum nummi decem.</i>	42

IMPRIMATUR,

Si videbitur Reverendissimo Patri Sacri Palatii Apostolici Magistro.

*Nuncius Baccarius Episcopus Bojanensis
Vicesgerens.*

ADPROBATIO CENSORIS

COpiam selectæ eruditionis, quam Illustrissimus ac Reverendissimus Præsul Justus Fontaninus Archiepiscopus Ancyranus de more confert in præclaro hoc monumento illustrando, litteratorum favore ac plausu exceptum iri minime dubitandum est, pro constanti doctorum virorum studio in præclaris ejusdem operibus expetendis. Est autem quod in primis gratuletur domestica Antiquariorum Academia, ab Eminentissimo ac Reverendissimo Principe Alexandro Cardinali Albano jampridem instituta; cum videat, hujusmodi donarium, quod auspiciato exercuit stylum ejusdem Academiæ ante decennium in Epistola ad illius Principem & conditorem, inscripta *De aureis & argenteis cimeliis in Arce Perusina effusis anno MDCCXVII.* eodemque anno typis data, ut esset specimen *Austrii antiquitatis erudita*, præsertim vero ineditæ, quod inde duxerat inchoandum; videat (inquam) tanti fieri a doctissimo Scriptore, ut suis etiam observationibus judicaverit cumulandum. Præ ceteris Academicis observantiæ suæ tesseram Illustrissimo Præsuli offert is, qui est Academiæ Albanæ a secretis, & in sacrosancta Liberiana Basilica syncellita, dum laudati ope-

XLVIII

operis, jussu Reverendissimi Patris Magistri sacri Palatii Apostolici a se perfecti pretium gratulatur e domestico Museo Nonis Aprilis MDCCXXVII.

*Franciscus Blanchinus Sanctissimi Domini Nostri Papa
Praeatus Domesticus.*

IMPRIMATUR.

Fr. Gregorius Selleri Ordinis Prædicato-
rum Sacri Palatii Apostolici Magister.



DISCUS

ARGENTEUS CHRISTIANUS

COMMENTARIO ILLUSTRATUS



ET ER A monumenta sacros Christianorum mores & ritus spectantia sive ea in lapidibus & metallis, sive in fictilibus sint expressa, magno nobis in pretio habenda sunt, quos primaviam illam simplicitatem, veramque pietatem

I
Discos Christianos
Perusie repertus
quanti facendus.

erga Deum, vitio nostro jamdudum obsolescentem, non oculis tantum perlustrare, sed vel maxime intimo cordi insigere decet. Hinc optandum, ut ubi e terræ visceribus prodeunt, rerum Christianarum studiosos & liberales dominos nanciscantur. *Discus* argenteus huc referendus, non ita pridem *Perusie* repertus, & bono fato in avaras manus haudquaquam delapsus, quæ fustum, inque massam informem redactum, ut alias sæpe contingit, nobis eripere potuerint, singulare nimirum & fortasse unicum priscae Christianitatis superstes cimelium, *Gazæ Albane* locupletandæ merito destinatum. *Discum* quinquelibralem & quincuncem esse comperimus, ex puro argento conflatum. Alicubi est fractus, duraque rubigine asper, qua eum

A

in-

CAP. II

invidiosa vetustas nonnihil vitiavit, interioris tamen *orbiculi* literas & calaturam lædere verita. Diameter æquat palmos duos Romanos architectonicos, unciis tribus minores. Ejus ectypon a perita manu delineatum quum mihi inspiciendum tradidisset Amplissimus Cardinalis ALEXANDER ALBANUS, quædam statim in oculos mentemque incurrerunt, quæ lubet hic breviter enarrare. Ex ingenio nihil decernere est animus. Constat enim, in talibus id probari, quod exemplis & auctoritate fulcitur. Hanc unam laudare, & inconsultis doctrina præstantibus viris nihil statuere, eoque minus aliena pro suis venditare, ingenui pudoris plena res est.

II

Discus Perusinus est
Gabata votiva.

Discum appello vas rotundum, patulum, & cavum, seu navis *lancem*, clypeo persimilem. *Gabata* genus vasorum centies memorantur in ditissimo illo Christianæ eruditionis gazophylacio, libro inquam Pontificali, qui Anastasio S. R. E. Bibliothecario passim adscribitur: tantum M. Antonii Sabellici librum *Anastasio* tribuentis auctoritas valuit! Loca inde plurima congerit Julius Cæsar Bulengerus in libro II. de Donariis pontificum cap. xxv. Volo enim suæ cuique industriæ honos reddatur. *Gabata* erant *lances* seu *disci*, in Ecclesiarum sanctioribus locis servati. Vocabulum ad *lancem* escariam indicandam veteribus notum. Martialis libro VII. epigram. XLVII. de Annio quopiam, convivia brevi duratura instruite, sic canit

Quum



*Discus argenteus vetus ueterum Christianorum
Ex museo Albano*

Paula Pilaia

*Quum mensas habeat fere ducentas,
Pro mensis habet Annius ministros:
Transcurreunt GABATÆ volantque lances.*

Quum enim mos esset, ut mensa ferculis onusta singulis convivis media adponeretur, Annius ipse, ut lautior videretur, non quidem mensa, sed ministerio plurium servorum usus, accumbentibus singula ministrabat fercula. Explicatio est viri, legationibus regiis & literatura nobilis, Lazari Bayhi in libello de *Vasculis* pag. 147. editionis Roberti Stephani: quod argumentum ampliori opere dignissimum est. Rursus idem Poeta libro xi. epigr. xxxii. in Cæciliuni:

*Sic implet GABATAS, paropsidasque,
Et leves scutulas, cavaſque lances.*

Apud Carolum Cangium in Glossario Græco *gabathon* & *gabata* est *catinus alveatus, cavatus*. Pro *gabata* sæpius *gavata* etiam occurrit. Discos votivos & sacros, quod *gabata* escariæ speciem quandam referrent, interque sacræ mensæ ministeria adponerentur, majores nostri *gabatas* dici voluerunt. *Planæ* erant quædam, aliæ *fundatæ*, quas vocat Bibliothecarius (quicumque is fuerit) nimirum *profunde* & *cavæ*, contra Bulengerum explicante Cangio in Glossario Latino. Ait Bibliothecarius Leonem III. pontificem obtulisse in Ecclesia sanctæ Sufannæ *gabatas aureas FUNDATAS tres, pensantes libras quatuor & semis*. Ita ille pag. 178. editionis Moguntinæ. Quædam *gabata* erant *anaglyphæ*, aliæ partim *celatæ*, partim *puræ*, quas

in-

Interrasiles in eodem libro sæpe dici videmus, vocabulo apud Plinium, rei metallicæ peritissimum, alias usurpato in libro XII. cap. XIX. *Coronas*, inquit, *ex cinnamo*, *INTERRASILI AVRO. inclusas primus omnium in templis Capitolii atque Pacis dicavit Imperator Vespasianus Augustus*. Locum ad id comprobandum alias protulit Antonius Dadinus Alteserra in notis ad Bibliothecarium in Gregorio III. pag. 95. Est ergo *interrasile* per intervalla lævigatum & politum, quod *rasili* opponitur, & subinde cælatura & plano variatur. Aneas Vicus in Commentariis pag. 129. editionis Aldinæ anni 1562. argentum *rasile* dicta ait simulacra, laminis planis, rasisque & politis confecta. Nos *liscto* Italice dicimus. Vide Johannem Harduinum ad Plinii locum jam adductum, & Cangium v. *interrasilis*. Hinc nutat Bollandi sociorum sententia, qui tomio III. Maii pag. 395. hæc habent: *corona interrasilis seu transparens, per intervalla rarefscens & perforata*. Idem auctor (Bibliothecarium dico) pag. 193. ait, Leonem III. fecisse *in Basilica beati Petri Apostoli nutritoris sui gabatam ex auro purissimo ANAGLYPHAM*. Pag. 196. eum *gabatam argenteas intersatiles (lege interrasiles) FUNDATAS. XXI.* fecisse tradit.

Quam dantus *gabatam*, est *fundata, anaglypha & interrasilis*. Alias *gabatam argenteas pendentes in catenulis* Bibliothecarius enumerat in Leone IV. pag. 259. Antea vero in Leone III. pag. 187. leguntur *gabatæ ex auro purissimo* XV. *pendentes in pergula ante ultare, pensantes libras LXV. & semis*. Item pag. 191. *gabatæ sex*
cum

III
Secræ gabatæ varii generis.

CAP. III *cum cruce ex argento purissimo, quæ pendent ante arcum majorem dextra laevaque, pensantes simul libras XII. & semis. In Sergio II. pag. 254. gabatas ex argento purissimo, auroque perfusas quatuor pendentes ante vestibulum sacri altaris, atque gabatas interrasiles deauratas cum bullis duabus. Ad hæc gabatæ quoque cum pedibus suis a Gregorio IV. oblatæ dicuntur. In sacris basilicis gabatæ variis figuris telatæ offerebantur. Ex his saxiscæ non semel occurrunt in Leone II. pag. 275. & in Benedicto II. pag. 301. quas Alteserra in notis ad Gregorium II. pag. 94. sic dictas censuit, quasi in Saxonia, vel Romæ in vico Saxonium fieri solitas. Nomen inde sumtum, quod lapillos & saxeas conchulas & patinas, in rupibus atque antris repertas, artificio rustico imitarentur. Bulengero sic ferme explicanti non invitus adsentior. Saxiscus enim nomen est diminutum a saxo, quomodo Thraciscus a Thrace, Græciscus a Greco, & alia id genus, quæ a Cangio desinantur in Glossario v. Franciscus. Sic calathiscus a calathæ, Syriscus a Syro, & typiscus a typo: quo postremo vocabulo pro eo, quod Italice dicimus stampatello, usum comperio magnum popularem nostrum Hieronymum Aleandrum seniore, Comitum Palatinum, & poetam laureatum, dein S. R. E. Cardinem, in pervenusto carmine phaleucio de Arte typographica ad Bertholdum Remboltum Argentinatem, typographum Parisiensem, operibus sancti Cypriani, per illum editis A. D. 1512. præfixo. Ejus mihi Historiam literariam Fori-Julii scribenti indicium fecit clarus ingenio & doctrina præful, scriptorumque raro-*

rariorem sedulam venator Dominicus Passioneus Ephesus antistes, & Romanæ Sedis Apocrifarius apud Remp. Helvetiorum. De istiusmodi nominibus diminutis agere memini Claudium Lancelottum in Nova methodo perdiscendæ linguæ latinæ pag. 482. editionis Italicæ.

CAP. IV

Gabata non tantum saxifcis, sed palmis, leonibus, gryphis, Angelis etiam celatæ exhibebantur. Gabatas argenteas, habentes gryphos, pensantes libras II. legimus in Leone III. pag. 179. Ad hæc in Gregorio IV. gabatas interrasiles de argento XII. Angelorum opere constructas, & alias gabatas interrasiles V. cum pedibus fusi. In Leone IV. pag. 277. gabatas de argento purissimo numero VI. Tres quidem filopares signo Christi, & duas etiam similitudines palmarum, & unam interrasilem, quæ est saxifca, pensantes simul libras IV. Ibidem pag. 290. memorantur gabatæ ex argento fusiles, majores minoresque VII. pensantes libras XVI. & unciam unam. In Leone III. pag. 308. argenteæ gabatæ numero VIII. quæ pensant simul libras CC. & LXX. & VI. Erant enim gabatæ magnæ, & parvæ etiam: quas inter nostra medii est ponderis & mensuræ. Tot testimoniis ex uno Bibliothecario petitis gabatam explicuisse, intercedet puto, quominus virorum illustrium auctoritas ad Acta Sanctorum Maji die XIV. tomo III. pag. 395. col. I. gabatam pro lampade pensili obtrudat: in quo eodem errore versatum deprehendo Alteserram in his verbis ad Gregorium III. pag. 95. gabatæ sunt patellæ cavæ ex auro vel argento, vel ære, in quibus ardebat oleum.

Atqui

IV

Gabatæ & anathemata multa apud veteres Christianos.

CAP. IV Atqui *lampades & patellæ, in quibus ardebat oleum,* non *gabatæ*, sed *phari & phara* dictæ sunt. Post Cangium in Constantinopoli Christiana libro III. cap. XLVIII. pag. 40. adi. Conradum Janningum, veteri necessitudine mihi conjunctum; de *Phariis* seu *lychnuchis* pendulis agentem in Junio Bollandiano to. VII. pag. 129. §. IX. Hujus loci est *scala, ad accendendos faros reposta*, in Actis translationis sancti Sebastiani sæculo IV. Benedictino Parte I. pag. 408. Immenſum plane numerum *gabatarum* ex auro argentoque, in Romanis basilicis adſervatum, ab uno libro Pontificali docemur. Immenſa quoque anathematum strues utranque paginam implet apud Bulengerum, ea recensentem. Ipse de *Coronis* dixi nonnulla in Dissertatione de *Corona ferrea Langobardorum*, quam non frustra auctam & editioni IV. paratam habeo. Tot ac tanta pietatis antiquæ pignora, in ecclesiarum tabulis descripta, exponebantur *in pergula ante altare*, inquit Bibliothecarius in Leone III. pag. 187. *Pergula*, sæpe memorata in libro Pontificali, erat exedra ante altare, in qua exponebantur sacra donaria, inquit Jacobus Cujacius lib. II. Observat. cap. XIII. Eam erudite explicavit politissimus Carolus Datus in Vitis Pictorum veterum pag. 107. Festis diebus solemnioribus sacras ædes pretiosis cimeliis ornari consuevisse adnotarunt sanctioris Minervæ ocelli, Johannes Cardinalis Bona in rebus liturgicis lib. I. cap. xxv. §. II. nosterque cl. Bonarotius in Observationibus ad Vasa vitrea antiquorum pag. 260. *Quantacunque* vero fuerit primorum Christianorum tenuitas & parsimonia inter angustias, persecutorum odio con-

conflatas, in rebus tamen Dei cultum & sacra ministeria spectantibus, prælargi fuerunt, & quammaxime liberales. Mox ab Apostolis Lucianus ille fannio gentilis locum, quo nostri conveniebant, *domum aurato fastigio insignem* vocavit in Philopatro (si ejus est) to. II. operum edit. novæ pag. 776. Ceterum antiquam Ecclesiarum opulentiam palam faciunt *sestertia centum millia nummum*, quæ ex unius Carthaginiensis gazophylacio ad fideles Numidas & barbarorum captivitate liberandos misit sanctus Cyprianus epist. LX. vel LXII. Sed de spissis & magnis Basilicæ Vaticanæ donariis Paulum Orosium loquentem præstat audire lib. VII. cap. XXIX. ubi Romanæ Urbis direptionem, Alarico Rege Gothorum auctore factam, enarrat: qui tamen edicto vetuit, ne profugi in ædes sacras, præcipue sancti Petri, vel minimum læderentur. Locus est per insignis & maxime dignus, qui, licet longiusculus, huc totus adferatur. Sunt verba Orosii: *discurrentibus per Urbem barbaris, forte unus Gotthorum, idemque potens & Christianus* (Arianum intellige) *sacram Deo Virginem, jam ætate proVectam, in quadam ecclesiastica domo reperit: quumque ab ea aurum argentumque honeste exposceret, illa fidei constantia, esse apud se plurimum & mox proferendum spondit, ac protulit: dumque expositis opibus attonitum barbarum magnitudine & pondere ac pulcritudine, ignota etiam vasorum qualitate, intelligeret Virgo Christi, ad barbarum ait: hæc Petri Apostoli sacra ministeria sunt. Præsume, si audeas de facto tu videris. Ego, quia defendere non valeo, neque tenere audeo. Barbarus vero ad reverentiam*

B

re-

religionis, timore Dei & fide Virginis motus, ad Alaricum hæc per nuncium retulit: qui continuo reportari ad Apostoli basilicam universa, ut erant, vasa, imperavit; Virginem etiam simulque omnes, qui se adjungerent Christianos, eodem cum defensione deduci. Ea domus a sanctis ædibus longo, ut ferunt, & medio interjectu Urbis aberat. Itaque magno spectaculo omnium disposita per singulos singula, & super capita elata palam aurea atque argentea vasa portantur, exertis undique ad defensionem gladiis pia pompa munitur. Hymnis Deo Romanis, Barbarisque concinentibus, publice canitur. Personat late in excidio Urbis salutis tuba, omnesque, etiam in abditis latentes, in vocat ac pulsat. Concurrunt undique ad vasa Petri, vasa Christi plurimi, etiam pagani Christianis (idest Arianis) professione, si non fide admiscuntur; & per hoc (tamen ad tempus) quo magis confundantur, evadunt. Quanto copiosius aggregantur Romani confugientes, tanto avidius circumfunduntur barbari defensores. Orosii fusius hæc adducta, tum rei, tum sermonis gravitas excusabit. Alaricus Ecclesiis pepercit, & barbarum militem post triduum iussit Urbe discedere. Contra Christiani paganis immaniores A. D. 1527. Urbem ipsam, ecclesias, & loca sacra universa continenter per totum mensem depopulati, a die vi. Maji ad diem v. Junii teterime profanarunt atque everterunt. Sine lacrymis legi non possunt quæ de hac clade narrat Cæsar Grolerius in Historia expugnatae Urbis a pag. 73. ad pag. 80. Sed omnino audiendus Petrus Alcyonius in Oratione nondum edita pro S. P. Q. R. de Rep. reddenda ad Carolum V. atque e-

custodia liberando Clemente VII. Verba ejus hæc sunt: *crudeliter habiti ii potissimum fuerunt, qui in augustissimum & religiosissimum divi Petri sanum confugerant, existimantes omnino, milites tuos placabiliore fore Christianis, quam Gotbi, Visigothi, Vandali, & reliqui ejusmodi barbari, non satis Christiani, olim Christianis fuerunt. Hoc igitur templum ita fœdarunt, ut nullum genus crudelitatis, latrocinii, cædis omiserint. Sacerdotes quoque partim ad aras crudelissima morte mactarunt, partim divorum imagines complectentes jugularunt, partim semineces tractos pro templo dilaniandos reliquerunt. Horror plura dicere non sinit.*

CAP. V

VAsorum ecclesiæ Christianæ supellex, de qua Orosius, *sacrum ministerium* dicebatur, divinæ mensæ cultui nimirum inserviens: quod omnia ornamenta, instrumenta, & vasa divinæ Eucharistiæ conficiendæ, ejusdemque triclinio sterno necessaria complectebatur. Hoc docent Cangius in Glossario, & Mabillonius lib. 1. de Liturgia Gallicana cap. VII. §. 3. pag. 63. Hinc intelligi datur quid sit *tradere ministeria divina* apud Victorem Vitenssem lib. 1. cap. XII. de Persecutione Vandalica. *Sacra hæc ministeria* in ea *bematis* seu *presbyterii* parte exponi consueverunt, quæ *concha* dicebatur, sub *abside*, ubi sacrificium incruentum fiebat. Locum tamen ipsum, in quo *donaria* reponebantur, a gentilibus *donarium* quoque dictum adnotavit Jacobus Philippus Tomasius de Donariis cap. 1. Existat distichon Paulini Nolani epist. XII. ad Severum pag. 154. edi-

V
Sacra ministeria;
id est sacra vasa, ubi
adfervata.

CAP. VI tionis Rosweydi, in dexteram partem absidis, ubi *ministerium* recondebatur :

*Hic locus est veneranda penus, qua conditur, & qua
Promitur alma sacri pompa MINISTERII.*

De his, quæ dixi, amplius differunt diffusæ eruditionis viri Rosweydus ad Paulinum pag. 795. & Cangius ad Paullum Silentiarium pag. 561. 562. 563. 564.

VI
Disci Perusini &
veterum clypeorum
cælaturæ.

Discus sive *gabata Albana* verbis, primigeniam majorum nostrorum religionem spirantibus, intra *orbiculum* insculpta est. Eminentiori quoque cælatura, sæculum Constantinianum referente, insignis apparet. Dux enim capite nudo, imberbis, thorace & chlamyde indutus, sine stapiis equo insidens, quem freno regit, hastam dextera, gladium sinistra tenens, peditem galeatum & barbatum clypeo se protegentem insultat. Pedes parazonium dextera in equitem stringit, humi totus ferme procumbens, conto seu mavis pilo in lævo crure transfossus. Fuit mos perantiquus rerum præclare gestarum historias in orbiculatis clypeis & discis votivis cælare. Hanc rem erudite pertractat Tomasinus de Donariis cap. xxii. & Franciscus Junius de Pictura veterum libro II. cap. viii. pag. 109. editionis Grævianæ: quibus addas velim Justum Rycquium in Commentario de Capitolio Romano cap. xv. Nec est omittendus Jacobus Sponius, qui in Disquisitionibus curiosis de Antiquitate pag. 1. & in Miscellaneis sect. iv. pag. 152. ab se illustratum.

vul-

vulgavit Discum hujusmodi argenteum, ex Rhodano a piscatoribus eductum, Scipionis egregium facinus representantem. Alium clypeum ex chalybe, Romam a Brenno captam, perque Camillum liberatam exhibentem, ex museo Woodwardiano deprompsit & Commentario explicavit Henricus Dodwellus. Clypei argentei pondo cxxxviii. cum imagine Barcini Asdrubalis meminit Livius libro xxv. cap. xxxix. & *clypea inaurata in fastigio Jovis ædis* posita narrat libro xxxv. cap. x. & xli. In libro i. Maccabæorum cap. xiv. v. 24. Simon quoque summus eorum sacerdos ad Romanos misit *clypeum aureum magnum, pondo mnarum mille, ad statuendam cum eis societatem*. Hoc de *clypeis* argumentum paucis exhaustit V. C. Bonarotius in Observationibus ad Nummos Carpineos maximi moduli pag. 9. 10. 11. Ne autem a re Christiana longius abire videar, memorandus in primis Belisarii clypeus votivus ex ære, Witigem Gothorum Regem ab eo devictum & supplicem exhibens Romæ in museo Rolando. Ejus meminit Mabillonius in Itinere Italico pag. 79. §. 111. Sed & locum indicabo Stephani Diaconi in Vita sancti Stephani junioris, qui sub Constantino Copronymo ob cultum sanctarum imaginum martyrium fecit. Est in *Analektis Græcis* monachorum sancti Mauri, quæ alias arbitrio typographorum adduntur tomis tribus Monumentorum Ecclesiæ Græcæ Johannis Baptistæ Cotelerii. Ibi pag. 480. reus peragitur episcopus Iconoclasta, qui *sanctum* incorruptorum Dei mysteriorum *Discum* conculcaverat proptereaquod venerandas Christi, ejusque matris & præcurforis expref-

pressas ferret imagines. Bibliothecarius pag. 204. Leonem 111. in Basilica Vaticana fecisse ait *scuta argentea duo*, scripta utroque symbolo, unum quidem literis Græcis, & aliud Latinis. Et rursus infra: *scutum ex argento purissimo, in quo orthodoxæ fidei symbola scribi fecit: quod pensat libras xxx.* & 11. Huc referendi etiam orbiculi, de quibus apud ecclesiasticos scriptores fit mentio. Sed de his infra.

VII

Cædes Maxentii
Tyranni in Disco
Ærolino expressa.

IN Disco Albano victoriam de Maxentio Tyranno ad pontem Milvium Tiberi impositum, prodigioso signo crucis Constantino Magno prænunciatam, unde libertas rei Christianæ pependit, denotari autumo: quam Constantini de Maxentio victoriam majores nostri omnibus monumentis testatam esse voluerunt; emblemata disco vel clypeo sacræ mensæ offerendo maxime congruum. Neque alias boni illi Christiani in domo Dei, eoque minus in veneranda sacri ministerii penu fictas seu veras profanarum rerum imagines spectari patiebantur. Certe in Disco Maxentium e ripa in fluminis alveum mox ruiturum, vel potius antea demersum, aut *præcipitatum* (quod ajunt excerpta Valesiana) & equo lapsum, ex alveo evadere frustra conantem, videre mihi videor. Eques in ripa eminentiori, pedes in depressiori loco, cælati conspiciuntur. Is nimirum in Tiberis ripa, hic intra Tiberim, locumque altum atque imum, in cælatura ipsâ graphice representatur. Auctor Panegyrici de Constantino cap. xvii. cladem eo adveniente hosti illatam testatur. Locum adscribam: *ad primum igitur adspectum*
ma-

*majestatis tuæ, primumque impetum totius tui victoris exercitus hostes territi, fugatique, & angustis Mulsii pontis exclusi, exceptis latrocinii illius primis auctoribus, qui, desperata venia, locum, quem pugnae sumserant, textere corporibus. Ceteri omnes in fluvium abiere præcipientes, ut tandem aliquod cædis compendium fessis tuorum dexteris eveniret, quum impios Tiberis hausisset. Ipsum etiam illum (Maxentium) cum equo & armis insignibus frustra conatum per abrupta ripa ulterioris evadere, idem Tiberis correptum gurgite devoravit. Ita vero Lactantius cap. XLIV. de Mortibus persecutorum: multitudinem fugientium pressus (Maxentius) in Tiberim deturbatur. Stirps quoque fluviorum acicola pensiculate consideranda, quam, proxime subjecto Tiberi indicando aptam, in Disco ad equitis latus haud frustra surgentem adspicimus. Cædes illa Tyranni illigatur A. D. 312. v. Kal. Novembres, ut viri docti ad Lactantium adnotaverunt. In Calendario ævi Constantiniani eadem dies his verbis signatur: *evictio Tyranni*: quod primus olfecit Petrus Franciscus Chiffletius in notis ad opusculum II. Vigiliæ Tapsensis pag. 130. Idem confirmat Henricus Noris Dissert. II. cap. II. de Nummo Licinii, ubi aliorum errores castigat. Baluzius tamen ad Lactantium eodem cap. XLIV. diem illum v. Kalendas, non ad eum, quo Maxentius periit, sed ad posterum, quo corpus in Tiberi submersum, ab urinatoribus repertum est, referri arbitratur. Sed non video, cur dies ipse, quo Tyrannus extinctus & in fluvium præcipitatus, licet postero cadaver inventum, in Fastos referri præ hoc non debuerit. Maxentium*

in-

CAP. VIII

insidiis, quas hosti apud pontem Mulvium locaverat, in transgressu Tiberis interceptum tradit Victor in Caesaribus. Paucis rem totam complexus est vatum Christianorum maximus in libro I. contra Symmachum v. 482.

*Testis Christicolæ ducis ADVENTANTIS ad Urbem
Mulvius, exceptum Tiberina in stagna Tyrannum
Præcipitans, quam VICTRICIA viderit ARMA
Majestate regi, quod signum dextera vindex
Prætulerit, quali radiarint stemmate pila.*

Hinc gentilitas victa & religionis Christianæ trophœa parta. In Arcu triumphali prope Amphitheatrum Flavium adhuc exstante dicitur hæc victoria a Constantino Magno relata INSTINCTU DIVINITATIS. Scio, Johannem Harduinum a communi omnium sensu recedentem, Arcum illum ad Constantini de *Licinio* victoriam referre. Sed scio etiam, a V. C. nulla ratione id agi, & a nemine sanæ mentis pleræque illius sententias probari: quod mitissime & publicæ tantum utilitatis causa monitum volo. Maxentius *Tyranni* vocabulo in Arcu, ut in Calendario, denotatur. *Tyrannorum* enim *propria nomina* in actis & operibus publicis non exprimebantur, & olim expressa, infamiae nota debebantur. Ideo auctor Panegyrici Constantino dicti *Illum* appellat, proprii nominis honore haudquaquam dignatus.

VIII

Disce Perusini inscriptionis explicator.

M Edii ævi inscriptiones orbiculatim, sive alias quomodocunque in gyrum dispositæ, inde primùm legi cœptæ, ubi *crucis* venerabile signum

signum infixum est. Probi illi majores nostri ab hac redemptionis humanæ tessera quæque sua auspiciabantur. Res nuper a me pertractata in Commentario de sancta Columba, Virgine sacra Aquilejensi, quæ Attilanis temporibus floruit. Quare orbiculata *gabata* inscriptio, a *cruce* initio ducto, quæ capiti equitis imminet, sic legenda est:

CAP. VIII

† DE . DONIS . DEI . ET . DOMNI . PETRI . VTERE . FELIX . CVM . GAVDIO

Nihil plane sanctius aut religiosius exprimi potest. *Discus* Deo sacer est in honorem sancti Petri Apostoli, utique in Basilica Vaticana omnium principe munus oblatum, rei divinæ ministris utendum. Christiani, modestissimum genus hominum, ob propriam tenuitatem se indignos putantes qui summo & præcelso Domino suo ipsi per se appropinquarent, ad deprecatores ei caros, qui, illorum vota ipsi exhibentes, benigne audirentur, ex veterrima disciplina confugere maluerunt. Præcipui deprecatores & amici Dei, *Maria Virgo*, principesque Apostoli *Petrus* & *Paulus* semper habiti sunt. Formula DE : DONIS . DEI primæ pietatis memorem sistit, peculiarem observationem exposcens. Majores nostri antique boni, ex regulæ Christianæ præscripto, de rebus suis partem aliquam Deo in ædibus sacris holocaustum offerentes, eam verbis & sensibus pia modestia cumulatis ita offerre consueverunt, ut oblationem ipsam & munus, quod *offerfionem*, & *offerfionem* etiam dictum legimus, extenuantes, nihil de suo se offerre declararent, sed de his, quæ alias Dei essent, quæque eis cœlitum, quibus

C

bus

bus dabantur, deprecatione, Deus largitus fuisset. Res clarior fiet, si propius in veterum Christianorum sermonem digitum intenderimus. *Bona hæc temporalia*, quæ dicimus, ipsi speciatim *dona Dei* appellabant. Sic appellat Gregorius Magnus in Regesto libro XI. alias IX. epist. XXX. alias XXV. ad Venantium Syracusanum. Sunt ejus-verba: *quæcunque autem hujusmodi (vitæ præsentis) bona sunt, cujus dona sunt, nisi conditoris? Sed libere nobis non debet donum Dei, quod per delectationem sui separat ab amore Dei, ne data danti præferamus, & dum bona percipimus etiam mali, unde crescere in ejus timore debuimus, inde a timore illius disjungamur.* Bona ergo præsentis vitæ, *dona Dei* sunt, quorum partem ipsi reddimus, dum *oblaciones*, & *munera* in ædibus Deo sacris offerimus. Geminum porro Vaticanæ purpuræ lumen, Cæsar Baronius A. D. 523. §. VIII. & Bona in rebus liturgicis libro II. cap. VIII. §. V. aliquando inter *oblaciones* & *munera* distinguendum scite monuerunt. Ceterum phrasis ipsa, *Donum Dei*, vere Apostolica est, qua beneficium quodcunque a Deo in nos collatum exprimitur apud Johannem Evangelistam cap. IV. 10. & Paulum ad Ephesios II. 8. Quid candidius & Christianis convenientius? Rei locuples testimonium in *gabata Albana* exosculamur. Hæc Deo quidem *minus* offertur, sed tanquam Petro Apostolo deprecatore, ipsimet offerenti a Deo pridem cum ceteris ejus bonis concessa. DE. DONIS. DEI. ET DOMNI. PETRI, verba suavissima sunt, & mirâ pietate cumulata, ac certe digna quæ in omnium mentibus insculpantur, quandoquidem mores nostri,

stri, ab illis perquam diversi, disciplinam tam sanctam jamdudum antiquaverunt.

Sed & quædam alia admirandæ hujus formulæ exempla, olim obvia & passim communia, at postmodum, frigescente pietate, vix nota, literatis lapidibus (utinam cordibus!) insita occurrunt. Lex commentarii postulat, ut ea recenseamus. Agmen ducat inscriptio Basilicæ sancti Pauli, altera inter collectas a Cornelio Margarino, quas Cardinalis Franciscus Barberinus senior, propriis virtutibus inclytus, & alienis amicus, typorum luce donavit. Raphael Fabrettus eam cum suis pariter edidit pag. 768. num. 639. nihil tamen ad eam commentatus:

IX
Formula de donis
Dei in Disco expre-
sa illustratur.

† DE. DONIS. DI. ET. BEATI. PAVLI. APOSTOLI. DOMETIVS. DIAC. ET
ARCARIVS. SCAE. SED. APOSTOL. ADQVE. PP. VNA. CVM. ANNA
DIAC. EIVS. GERMANA. HOC. VOTVM. BEATO. PAVLO. OBTVLERVNT

Dometius diaconus, Arcarius & thesauris Apostolica Sedis præpositus (quod ecclesiasticum munus occurrit apud Bibliothecarium in Agathone pag. 76. & in Constantino pag. 92.) una cum *Anna sorore & diaconissa* DE. DONIS. DEI in se collatis partem beato Paulo Apostolo obtulit in constructione, suis sumtibus facta, porticus ejus basilicæ in via Ostiensis, ubi in superliminari primæ januæ ad lævam sternitur lapis. Priusquam ex hac porticu ad aliam procedo, *Romam novam* trajicio, quo me advocat Georgius Cedrenus. Is in Com-

pendio Historiarum tomo 1. pag. 386. ante num. 157. editionis regiae narrat, Justinianum Augustum *sanctam mensam* fieri iussisse, opus nulla imitatione æquandum, auro, argento, lignis etiam, & omnis generis pretiosis lapidibus constans. Hæc *mensa*, de qua Carolus Cangius ad Paulum Silentiarium pag. 567. in orbem hanc habuit inscriptionem:

ΤΑ. ΣΑ. ΕΚ. ΤΩΝ. ΣΩΝ. ΣΟΙ. ΠΡΟΤΕΡΟ
ΜΕΝ. ΟΙ. ΔΟΥΛΟΙ. ΣΟΥ, ΧΡΙΣΤΕ
ΙΟΥΣΤΙΝΙΑΝΟΣ. ΚΑΙ. ΘΕΟΔΩΡΑ
Α. ΕΤΜΕΝΩΣ. ΠΡΟΣΔΕΞΑΙ. ΤΙΕ
ΚΑΙ. ΑΓΓΕ. ΤΟΥ. ΘΕΟΥ. Ο. ΣΑΡ
ΚΩΕΙΣ. ΚΑΙ. ΣΤΑΤΡΩΕΙΣ
ΥΠΕΡ. ΗΜΩΝ. ΚΑΙ. ΗΜΑΣ. ΕΝ
ΤΗ. ΟΡΘΟΔΟΞΩ. ΠΙΣΤΕΙ
ΣΟΥ. ΔΙΑΤΗΡΗΣΟΝ. ΚΑΙ. ΤΗΝ
ΠΟΛΙΤΕΙΑΝ. ΗΝ. ΗΜΙΝ. ΕΠΙΣΤΕ
ΥΣΑΣ. ΕΙΣ. ΤΗΝ. ΙΔΙΑΝ. ΣΟΥ
ΔΟΞΑΝ. ΑΤΤΗΣΟΝ. ΚΑΙ. ΦΤΑΑ
ΣΟΝ. ΠΡΕΣΒΕΙΑΣ. ΤΗΣ. ΑΓΙΑΣ
ΘΕΟΤΟΚΟΥ. ΚΑΙ. ΑΕΙ. ΠΑΡΘΕΝΟΥ
ΜΑΡΙΑΣ

Hæc latine sic sonant:

TVA . DE . TVIS . TIBI . OFFERIMVS *serui tui,*
Christe, Justinianus & Theodora. Ea tu propitius
accipe, Fili Dei Verbum, qui nostri causa carnem
adsumpsisti, & cruci affixus fuisti: ac nos in recta tui
fide conserva: & quam nobis commisisti rempublicam,
eam ad tuam gloriam auge ac tueri, intercedente
sancta Deipara & semper Virgine-Maria. Quem
verba tam dulcia non tangunt, non homo, sed
lapis

lapis est, *Romam veterem* jam revertor, atque aliam *porticum*, de qua dixi, jam subeo. In celeberrima Diaconia sanctæ Mariæ in Cosmedin, quam ejus Archipresbyter Johannes Marius Crescimbenius accurata historia descripsit, præstat vetus marmor, longam octo arcuum porticus cælatam imaginem referens, basilicæ vestibulo olim adnexum, oblongum magis, quam latum, ut de *exteriori* ædium sacrarum *narthece* jam erudite observatum a Cangio in Constantinopoli Christiana lib. III. cap. XVIII. Opus sacris donariis Hadrianus pontifex, ejus auctor, adnumeravit: quod de aqueductu dici non posset. Ei subest epigraphæ, barbari ævi characteribus efformata, & initio nonnihil fracta, quam Historicus hariolo indigere arbitrat lib. III. cap. II. pag. 43. & 44. Eam extricatam, & paucis literis a me suppletam hic subjicio:

† de dōmīs . Dī . ET . SCĒ . Dī . GENETRICIS . MVN
ns . DONI . ADRIANI . PAPE . EGO . GREGORIUS . NOTARIUS

Subscriptio *Gregorii Notarii* me monet, ut toto hujus lapidis pondere elidam dubitationem viri perdocti Johannis Garnerii, qui in notis ad librum Diurnum Romanorum Pontificum pag. 115. binas literarum formulas propterea ad sæculum IX. aut etiam X. rejicit, quod sint a *Notario* subscriptæ. Nostra, quæ est sæculi VIII. Garnerium satis refellit. Hadrianus sua impensa in honorem *Dei genetricis* longam porticum extruendam cu-

ra-



CAP. X ravit, Gregorio Apostolicæ Sedis Notario id literis consignante. Rem tangit Bibliothecarius pag. 167. testatus, Hadrianum I. *Diaconiam sanctæ Dei genetricis, semperque Virginis Mariæ Scholæ Græcæ, quæ appellatur Cosmedin, dudum brevem in ædificiis existentem, sub ruinis positam restaurasse, porticu longa nimirum etiam adjecta. In hujusmodi porticu, sive ædis sacræ propylæo, in porticus formam exstructo, ex ecclesiæ disciplina catechumeni & in ordinem publicæ pœnitentium redacti consistebant. Vide Johannem Morinum in Commentario de Pœnitentia libro VI. cap. II. & III. eidemque junge Carolum Cangiū, a me sæpe laudatum, & sæpius laudandum, in pererudito Commentario ad Pauli Silentiarīi Descriptionem ædis sanctæ Sophiæ pag. 534.*

X

Munera per formam
jam de donis Dei,
& beatæ Mariæ
Virginis, Ecclesiis
oblata.

EX Diaconia Cosmediniana nondum egredior, quin insigne aliud, amplissimumque sacræ oblationis & muneris monumentum, ibi servatum, adduco ex eodem Archipresbytero lib. II. cap. VI. pag. 62. Est oblatio DE DONA (pro de donis) Beatæ Mariæ Virginis Diaconie facta plurium fundorum, in geminis marmoreis tabulis per duos principes viros inscripta. Hi sunt *Eustathius dux*, & *Georgius germanus*, qui posterior de more seculi VII. & VIII. semetipsum titulo maxime splendido *gloriosissimum* dicit. Primæ tabulæ exordium huc adfero:

HAEC. TIBI. PRAECLARA. VIR
GO. CAELESTIS. REGINA. SCA. SV
PER. EXALTAT. ET. GLORIOSA. DO
MINA. MEA. DI. GENETRIX. MARIA
DE. TVA. TIBI. OFFERO. DONA. EGO
HVMILLIMVS. SERVVLVS. TVVS
EVSTATHIVS. IMMERITVS. DVX
QVEM. TIBI. DESERVIRE. ET. HVIC
SCAE. TVAE. DIAC. DISPENSATO
REM. EFFICI. IVSSISTI. TRADENS
DE. PROPRIIS. MEIS. FACVLTA
TVS. IN. VSV. ISTIVS. SCAE. DIAC. PRO
SVSTENTATIONE. XPI. PAVPERVM
IET. OMNIVM. HIC. DESERVIENTI
VM. DIACONITARVM. OB. MEORVM
VENIAM. DELICTORVM. HAEC
INFERIVS. DESCRIPTA. LOCA. ID

Nomina fundorum mox subsequuntur, quæ cum reliquis in utraque tabula exaratis Crescimbenius diligenter, explanat. Johannes Mabillonius, cujus doctrina in antiquitatibus sacris supra omnem laudem est, in Museo Italico to. 1. parte 1. pag. 15. §. XVIII. prolata hujus tituli parte, animadvertit, donationes basilicis factas, ad valvas in lapidibus insculpi consuevisse. Nonnullas hujusmodi donationum marmoreas tabulas profert V. C. Franciscus Blanchinus in præfatione ad librum Pontificalem a num. 48. Hoc idem infra a me semel atque iterum confirmabitur. Sed quædam in antecessum hic adnoto. Maximæ feminæ, & supra heroidas

ve-

CAP. X

veterum celebrandæ , Comitissæ Mathildis, Ecclesiæ Romanæ castrorum matris, donationem beato Petro factam, marmoreæ tabulæ consignatam fuisse, alibi scripsi. Ante fores Patriarchalis Ecclesiæ Aquilejensis in prægrandi saxo ethnici sarcophagi literis implexis & pereuntibus cælata conspicitur donatio *placiti Advocatiæ*, quam, inunte sæculo xi. pro salute animæ suæ & Liucardæ uxoris fecit collegio Canonicorum Henricus Dux Carinthiæ, Marquardi filius & frater Wodalrici I. Patriarchæ Aquilejensis. Hoc & complura alia debemus peramico nostro Johanni Dominico Bertolo, ejusdem Basilicæ Canonico, nobis hoc nomine juxta ac humanitate & bonarum artium cultu plurimi faciendo. Aliud donationis monumentum in lapide insculptum subministrat Christophorus Brøwerus in Annalibus Trevirensibus to. i. lib. xvii. pag. 205. In hortis Justinianeis ad Lateranum in cippo marmoreo hanc donationem legi:

DEO. AD. NO
 NORE. BEATOR
 AGNETIS. ET
 ALEXANDRI. M
 OBTVLIT. PRATV
 MARCVS. ABBAS
 HVIVS. SÆ. PRAXE

Ex postremis verbis, HUIUS *ecclesiæ* SÆ PRAXE-
dis, percipimus, olim sacræ ædi marmor affixum.
 Floravantes Martinellus in Roma sacra pag. 334.

CX

ex Bibliothecario pag. 219. templis Sanctorum obsoletis adnumerat Ecclesiam *sanctæ Agnetis in monasterio*, olim intra fines cœnobii & Ecclesiæ sanctæ *Praxedis*, de qua mentio in cippo. *Sanctæ Praxe* pro *Praxedis*, usurpatur a Rabano Mauro apud Browerum libro II. cap. x. pag. 142. Fuldensium Antiquitatum. Ad fores Ecclesiarum positos etiam lapides, qui beneficii ab Episcopis in alios collati memoriam servarent, docet munusmissio ad postes Ecclesiæ Aurelianensis, quam edidit Mabillonius in Annalibus ordinis sancti Benedicti tomo v. pag. 533.

EX Diaconia Cosmediniana ad proximam sancti Nicolai in Carcere diverto, ubi donatio Anastasii *Majorisdomus* in secunda columna dextrorsum ingredientibus legitur, quæ in XII. lineas distincta est. Ea sic se habet cum nâvis & verbis ex vulgi ore & latinitate deductis:

XI
Alia munera per
formulam de donis
Dei in ecclesiis o-
biata.

† DE DONIS DĪ ET
SCĒ DĪ GENETRICI MARIE
SCĒ ANNE SCĒS SIMEON ET SCĒ
LVCIE EGO ANASTASIVS MA
IORDOMV OFFERO BOBIS PRO NATA
LICIES BESTRE BINEA TABVLVM
RP IN PORTV SEV
BOBES PARIA II IVMENTA SV PECORA
XXX PORCI XX FVRMA DE RAME LIBRAS
XXVI LECTV SITRATV N VTILITA
TE PBR SEV ALEO LECTO SITRA
TO AT MANSIONARIIS EQVI
SEQUENTIBVS

D

Ip-

CAP. XI Infra hæc leguntur :

† IC REQVIESCIT IN ANTE

Totam inscriptionem sacris Cryptis Vaticanis inferuit Franciscus Maria Turrigius pag. 414. edit. 11. Non tamen accurate. Nos eam dedimus ex archetypo. Hinc Modoetiam, Galliæ Cispalinæ *Corona ferrea* celeberrimum opidum properamus. Istic enim in sacrario Ecclesiæ principis exstat codicis operculum ex auro cum cruce in utraque parte, addita hinc & inde inscriptione ex Mabilonii Museo Italico pag. 213. in fine :

† EX DONIS DEI DEDIT THEODELENDAREG IN BASELECA QVAM FVNDavit IN MODOECIA IVXTA PALATIVM SVVM

Jam addo sextum DE : DONIS . DEI singulare monumentum , ex Agnello in libro Pontificali Ecclesiæ Ravennatis Parte 11. pag. 128. Est vermiculatum elogium in tribuna Sacelli sancti Matthæi Apostoli in Classe ad latus *Baptisterii* Ecclesiæ Petrianæ , Agnello Archiepiscopo factum , qui A. D. 566. ad plures migravit .

+ SALVO . DOMNO . PAPA . AGNELLO . DE . DONIS . DEI
 ET . SERVORVM . EIVS . QVAE . OPTVLERVNT . AD
 HONOREM . ET . ORNATVM . SANCTORVM
 APOSTOLORVM . ET . RELIQA . PARS . DE
 SVMMA . CERVORVM . QVI . PERIERANT
 ET . DEO . AVCTORE . INVENTI . SVNT
 HAEC . ABSIDA . MVSIVO . EXORNATA . EST

De formula acclamationis *salvo* in transcurso in-
 nuo , eam a Christianis æque ac Gentilibus usur-
 patam . Hi Cæsaribus suis , illi etiam Pontificibus
 nostris eadem plaudebant . Post Franciscum Ber-
 nardinum Ferrarium libro VII. de *Acclamationi-*
bus cap. XIV. vide Sponium in Miscellaneis sect.
 VIII. pag. 276. Janum Gruterum pag. CLXI. 5. &
 CCCLXXXVI. 7. Ad hæc Jacobum Sirmondum in
 notis ad Sidonium lib. VIII. epist. VII. Mabillo-
 nium in Museo Italico tomo II. pag. XXIII. Har-
 duinum in Operibus selectis pag. 452. col. 2. in
 fine , & pag. 453. col. 1. cumque Agnello Parte II.
 pag. 77. utrumque Hieronymum , Rubeum , & Fa-
 brum , illum in Historiis Ravenhatibus lib. III.
 pag. 157. hunc in Commentario de rebus sacris
 Ravennæ veteris pag. 254. Onuphrius Panvinus
 ante finem libri de præcipuis Urbis Romæ basilicis
 hanc Siricii pontificis inscriptionem adfert SALVO
 SIRICIO . EPISCOPO . ECCLESIAE . SANCTAE . In
 Cryptis Vaticanis Turrigii pag. 444. recitatur
 hoc carmen :

SALVO . PP. LEONE . AGNELLVS . PRESBYTER . ORNAT

CAP. XI

Primum illud Agnellianum elogium, quod protuli, mancum & corruptum profert Rubeus lib.v. pag. 171. Sed aurem vellit Benedictus Bacchinus pag. 132. ubi quid postrema verba DE . CERVIS QVI . PERIERANT, sibi velint, ignorare se ait. Mox Ravennatis Ecclesiæ bona, post Arianos deletos recuperata, indicari comminiscitur. *Cervi illi, vere Cervi erant, argentei tamen, & aquam fundentes, cujusmodi baptisteriis ornandis fieri consueverunt. Constantinus Magnus apud Bibliothecarium in Silvestro pag. 19. obtulit in baptisterio Lateranensi CERVOS ex argento septem, fundentes aquam; qui pensant singuli libras LXXX. Innocentius I. pag. 31. ad ornatum baptismi obtulit CERVUM argenteum, fundentem aquam, pensantem libras XXV. Sixtus III. pag. 35. obtulit CERVUM argenteum, in FONTE fundentem aquam, pensantem libras XXX. Hilarus pag. 39. ad sanctum Johannem contra sacrum FONTEM obtulit CERVOS argenteos tres, fundentes aquam, pensantes singulos libras XXX. Cervi ergo, ad Baptisterium Petrianum Ravennæ positi, teste Agnelliana inscriptione, perierant. Postmodum inventi, deque illorum summa & pretio reliqua pars absidis & lacunarum musivo opere ornata est. His Cervis aludebatur ad illud Psalmi XLI. quemadmodum desiderat CERVUS ad FONTES aquarum. Mirare veterum Christianorum studium in ornandis ditandisque locis Deo sacris. Ridebunt fortasse aliqui, priscos mores tantopere a nobis laudari. At hi etiam templum Dei a Davide & Salomone auro & argento locupletatum ridebunt: cujus opes tamen laudantur libro III. Regum cap. vi.*
&

& libro II. Paralipomenon seu Chronicorum cap. CAP. XII

II. III. & IV. David pro se & nobis rationem reddit lib. I. Paralipomenon cap. XXIX. v. 1. *neque enim homini preparatur habitatio, sed Deo.* Sacras ædes a veteribus Christianis *domos Dei* appellatas, docebit Cangius in Glossario. His facile comprimas Erasmus, aliosque clancularios rerum Ecclesiæ fanniones, in egenos melius (quasi ipsi nimirum hoc agant) quam in *sacra donaria* pecuniam collocari dictitantes. Subveniendum esse necessitati pauperum, quis neget? Sed anne ideo negligenda est *domus Dei*? Audiatur hoc loco disertissimus ille sæculi v. Massiliensis presbyter Salvianus in libro VI. de Gubernatione Dei §. 208. *humanis saltem cum Deo nostro RETRIBUTIONIBUS agentes, quum ab eo BONA accepimus, BONA REDDIMUS. Ad DOMOS videlicet DOMINICAS statim currimus, corpora humi sternimus; mixtis cum fletu gaudiis supplicamus, illustramus DONARIIS sacra limina, aras MVNERIBVS implemus.*

R Avenna Tiberiacum, Flaminiae opidum, quod *Bagnacavallum* appellant, petere constitueram; sed ordo rerum me adigit, ut prius in Venetia oras excurram, ubi formulis hætenus recitatis consonum donarii exemplum unum & alterum, ævo Liutprandi Regis Langobardorum in maremore superest consignatum. Prius in Valle Pulicella (quæ est parva regio agri Veronensis ad XII. ab urbe lapidem) in duabus columnis, ciborium ædis sancti Georgii, unde loco nomen est, olim sustinentibus, visum. Characteres, linearum ductus, & sermo corruptus, in linguam vulga-

XII

Alia munera sub eadem formula *de donis Dei* in ecclesiis oblata.

30 DISCUS CHRISTIANUS

CAP. XII gare abiens, Liutprandi, in priori columna memorati, sæculum illud octavum plane referunt. Utraque inscriptio fœde labefactata in Panvinii Antiquitatibus Veronenſibus proſtat lib. v. cap. xi. pag. 131. edit. II. inque Historia Veronenſi Ludovici Moſcardi libro iv. pag. 70. Nos utramque ex iſſis archetypis, jampridem ab amico noſtro pererudito Ottolino Comite de Ottolinis fideliter ſumtam, literis tamen Romanis, non barbaris illis expreſſam, hic damus:

Columna I.

† IN N DNI IHV XPI DE DONIS
SCI IVHANNES
BAPTESTE EDI
FICATVS EST HANC
CIVORIVS SVB TEMPORE
DOMNO NOSTRO
LIOPRANDO REGE
ET VB PATERNO
DOMNICO EPESCOPO
ET COSTODES EIVS
VV VIDAXIANO ET
TANCOL PRERIS
ET REFOL GASTALDIO
GONDELME
INDIGNVS DIACONVS SCRIP
SI

Columna II.

† VRVSUS MAGESTER
CVM DISCEPOLIS
SV S IVVENTINO
ET IVVIANO EDI
FICAVET HANC
CIVORIVM
VERGONDVS
TEODOAL
FOSCARI

Ciborium ſive *umbraculum*, quo tota ſacra menſa tegebatur, ædis præſtantiani denotat. Vide Can-
gium ad Silentiarium pag. 566. 568. Alterum
ſacri donarii Langobardicum titulum, huic priori
æqua-

æqualem servat colonia Fori-Julii in æde olim sancti Johannis Baptiste, nunc sancti Martini trans fluvium Natifonem. Est altare, a Pemmonne urbis Duce construi cœptum, & a filio ejus Ratchisio in Ducatu successore, & postea Rege Langobardorum absolutum. Hoc viriculo expressum dignum putamus, quod alibi lectorum oculis subjiciatur. Nunc ejus inscriptionem, unica linea in quatuor altaris partes circumductam subjicio:

1 ~~THE~~ MAXIMADONAMPIADCLARITSVBEIMKONCESSAPEMMONIVKOVENRYTO

2 FORMARENTVRTM PLANAMEIINTERRELIOVAS

3 SOLARIUMBEATIIOHANNISORNABITPENDOLATZVROPVLCHROALT

4 ARENTABITMARMORISCOLORERAT.CHISHIDEBOHOH

RI T



Tota inscriptio latinobarbara & plane vulgaris ad hunc grammaticum sensum reducitur. † *De maximis donis Christi claro & sublimi concessis Pemmoni, ubique dirutum formaretur ut templum; nam ei inter reliqua solarium beati Johannis ornavit pendula cruce ex auro pulchro; altare ditavit marmoris colore Ratchis Hideboboherit.* Jam Tiberiacum revertor. Istic extra pomœrium in æde Plebis, alias sancti Petri in Silvis, exstat lapis in pavimento, epigrammate insignis, quod

Ru-

CAP. XII Rubeus lib. v. pag. 240. & Faber pag. 455. mendosum adducunt. Nos ex ipso lapide accuratius expressum beneficio clarissimi & amicissimi viri Petri Canneti Abbatis ex Congregatione monachorum Camaldulensium, æri incisum proferimus. Est arcus, olim supra unam ex duabus portis lateralibus ejusdem *Plebis*, longus pedes iv. altus pedes ii.



Extra Tiberiacum in æde Plebis

Ex nota chronologica emergit A. D. 857. Ravenate Archiepiscopo Deusdedit superstitite. Hinc regrediens, Faliscos Romam versus interim ad volo. Sic enim *Civitatem Castellanam* dictam patefecimus in Antiquitatibus Hortæ Coloniae Etruscorum lib. i. cap. iv. Ibi sub porticu sive atrio sacra ædis episcopalis prope fontem baptismi exstat

stat literatus lapis , donarii plurium fundorum CAP. XII
 memoriam continens , beatæ Dei genitrici a Leo-
 ne antislite facti , DE . DONA (pro *de donis*) ejus-
 dem Virginis . Totam inscriptionem recito , quum
 nondum edita fuerit . Eam ob nexum ac formam
 literarum , verborumque plurium novitatem ,
 haud omnino facilem lectu , accurate descripsit
 A. D. 1688. necumque humanissime communica-
 vit clarissimus Senator Bonarotius ,

† BEATA . DĪ . GENETRIX . SEMP . VIRGO . MARIA
 DE . TVĀ . TIVI . DONA . LEO . INDIGNVS . EP̄C . TE
 LARGIENTE . REPARAVIT . ET . SI . QVIS . EX . SVCCES-
 SORIB . NOSTRIS . QVI . POS . NOS . BENTVRI . SVNT . EP̄COPĪ . ET
 EX . EA . QVOD . HIC . SCRIPTA . SVNT . ALIENARE . VOLVERIT . ANATHEMA
 SIT . ET . DE . TRIBVNIB . VEL . COMITIB . CLERO . AYT . POPVLO
 QVI . CONSENSERIT . ANATHEMA . SIT . A . DCCCCLXXI
 FVND . CASSIANVM . IN . INTEGRVM
 FVND . STATHANVM . IN . INTEGRVM
 FVND . MACCLIMONE . VT . SIT . SEMP . IN . SCM . GRATILIAM
 CLVSVRA . POMATA . IN . TAMPIANA . SVB . BALNEVM
 CVM . MOLA . ET . ORTVM . Q̄P . AD . FVNTES . OMNIA . IN . INTEGR
 OLIVITV . IN . FVND . AGELLV . NVCTV . Q̄P . IN . PALARI
 FVND . TERRANI . VNCIAS . OCTO
 FVND . TIBILLIANV . VNC . OCTO . FVND . MARTA . VNC . OCTO
 FVND . AGELLV . IN . INTEGR . FVND . MITILIANV . IN . INTEGR
 DOMVCELLA . Q̄P . ANTE . SCM . CLEMENTE . CVM . ORTV . SVA . ET . DOMV
 CELLA . CVM . ORTV . ET . CVRTE . VBI . MANET . TALARICVS . PRĒ . VT . SIT . SEMP
 AMBAS . DE . MANSIONARI . FVND . BASSANI . VNCIAS . III

Hujus marmoris ductu illustrari poterit res geo-
 graphica illarum partium Civitatis Castellanae :
 quod aliis præstandum relinquo . *Leo Episcopus* ,
 nusquam alibi memoratus , oblationem suam fecit
 anno DCCCCLXXI . quæ notæ in lapide , ante in-
 E di-

diculum prædiorum insculptæ, designant vulgarem annum Dionysianum 871. Ex Flaminia & Faliscis Romam regressi, perinsignem Gregorii II. Pont. Max. donationis tabulam, *Principibus Apostolorum* factæ, postremo loco servatam, proferamus, quia penitioem formulæ Christianæ DE DONIS DEI, a me hætenus commendatæ, sententiam, quasi luculento & undequaque absoluto commentario, nobis explanat. *Tiberius Alfaranus*, qui Sixto V. Pontifice opus, nondum editum, scripsit de *Antiquitate & præstantia Basilicæ Vaticanæ*, testatur Gregorianum istud donarium (cum aliis fortasse) in *septem* lapideis tabulis exaratum, pro foribus sancti Petri, de more, stetisse: quarum tamen *duæ* tantum ævo Alfarani supererant. *Unicam*, quæ nunc superest, ad archetypi formam expressit Johannes Baptista Donius in libro pereleganti de Restituenda salubritate agri Romani pag. 64. Baronius ejus laciniam in magnos Annales invexit, ratus A. D. 604. §. xv. illud Gregorio I. adscribendum: quod ab aliis post Baronium pariter creditum. Sed apud Petrum Mallium in Descriptione Basilicæ Vaticanæ, quam sub nomine *Romani Canonici* Paulus de Angelis primus vulgavit, donarii tabulæ prostant ferme totæ pag. 81. cum caractere chronologico in fine, qui nos monet, ne rem veram falsæ annorum computatione decoloremus: *Datum Idibus Novembris imperante piissimo Leone*. Est *Leo Isauricus*, foeda persecutione in sacras imagines excitata, postea infamis, cujus Imperii annus *primus* incidit in A. D. 717. Gregorio II. annum *tertium* pontificatus agente. Janningus tomo VII. Junii Bollandia-

diani pag. 43. suæ Mallii editioni ex Angelo totum diploma Gregorianum inseruit : quod Angeli tamen est auctarium , non Mallii contextus .

CAP. XIII

XIII

Gregorii II. Pont.
Max. donatio Petro & Paulo Apostolis facta.

AD rem nostram quod attinet , tabularum initium , quibus Pontifex multa oliveta sanctis Apostolis Petro & Paulo *pro concinnatione luminariorum* largitur , tale est , servata scribendi ratione , quæ in ipso lapide exstat :

* DOMINIS SCS ac beatiss. Petro & Paulo Apostolorum principibus Gregorius indignus servus .

Quotiens laudi vestræ USIBUS servitura quedam , licet parva , conquiritimus , VESTRA VOBIS REDDIMUS , NON NOSTRA LARGIMUR , ut hæc agentes NON SIMUS ELATI DE MUNERE , sed de solutione securi . Nam quid unquam SINE VOBIS NOSTRUM est ? Qui NON possumus ACCEPTA REDDERE , nisi quia per vos ITERUM & ipsum hoc , ut REDDEREMUS , ACCEPIMUS ? Unde ego vester servus reducens ad animum , multum me vobis beati Apostoli , Petre & Paule , esse devitorem , propter quod ab ueribus matris meæ , divinæ potentie gratia protegente , intro gremium Ecclesiæ vestræ aluistis & ad incrementum per singulos gradus usque ad summum apicem sacerdotii , licet immeritum , producere estis dignati , ideoque hoc privilegii MUNUSCULUM humili interim offerre devotione prævidi . Statuo enim &c. Devenireor tan pios grati animi sensus erga Apostolos Petrum & Paulum , a quibus , veluti curatoribus & dominis suis , Gregorius se nutritum , evectunique ad

E 2

sum-

CAP. XIV

funum Ecclesiæ fastigium agnoscit. In libro Pontificali scriptor æqualis de Gregorio I. ait: *hic a parva ætate in patriarchio nutritus*. Ceterum Pontifices maximi Petrum *nutritorem*, nempe herum & curatorem suum, sæpe dixerunt in libro Anastasiano pag. 176. 188. 193. 208. 210. 263. 277. Immo Hadrianus I. in epist. LXXVIII. codicis Carolini pag. 156. editionis Lambecii beatum Petrum Caroli Magni *nutritorem* appellat.

XIV

Petrus Apostolus non *auulli*, sed *domni* vocabulo ornatus in *Disco*.

EX hoc Gregoriano decreto constare jam putato quid lateat in formula DE DONIS DEI, qua nihil genio sinceræ pietatis magis appositum, & vanæ gloriæ, tumidæque jactantiæ contrarium effingi potest. Constat etiam, cur in *Disco Albano* sanctus Petrus *Domni* vocabulo ornatur, in testimonium scilicet pietatis & reverentiæ. Quanto enim cordis affectu anathematis auctor, qui suum nomen modestiæ causâ reticuit, Petrum Apostolum observaret, vel hinc discimus, quando illum, ut vere suum, suarumque rerum *Domnum* & *Dominum*, quod perinde est, compellavit. Donantis enim verba sunt, non *Disci*, secus ac in Inscriptione Sigea, omnium veterrima, quam Edmundus Chishullus peregregio Commentario nobilitatam typographicis operis commisit Londini A. D. 1721. ubi saxum ipsum loquitur: cujus rei alia exempla non desunt, longe tamen recentiora. Ne inferiori atate ortum, & in blanditias flexum *domni* vocabulum putes cum Barthio in Adversariis libro XXIX. cap. XIX. pag. 1393. audi Commodianum, Cypriano episcopo & martyri æqualem, ut Henricus Dodwel-

lus

lus primus detexit. Is enim stilo quidem rusticus, sed pietate egregius, Instructione LIX. Christianam feminam his verbis alloquitur:

CAP. XIV

*Matronas, vis esse, Christiana, ut sæculi DOMNAS,
Auro te circumdas, aut serica veste, pudica.*

Vocum *Domni* & *Domne* eadem est notio. Exstat enim apud Sertorium Ursatum in Marmoribus eruditus to. 1. pag. 4. vetus inscriptio, pridem ab eo in Monumentis Patavinis etiam prolata pag. 133. ubi legitur GENIO. DOMNOR. CERERI &c. Utriusque vocis originem scrutatur Ezechiel Spanheimius in magni operis tomo II. pag. 294. ubi *Domnam* proprium *cognomen*, & quidem Syriacum in Julia Augusta Septimii Severi uxore, dignitatis autem *titulum* apud nostros, esse animadvertit. *Titulus* est similiter apud Commodianum, omnium, quos viri docti observaverint, antiquissimus; si tamen lapidem Patavinum forsitan exceperis. De his, ubi vacat, consule Tanaquilum Fabrum in notis ad Phædrum lib. II. Fab. v. sed & Andream Schottum lib. II. Observationum cap. XIX. Quæ sunt veterum Christianorum, ea summam religionem, animique candorem & simplicitatem nobis maxime suspiciendam, ubique spirant. Formulam, alias frequentem in ore clientum, & favorem captantium, illustravit Christophorus Browerus, cui sacra antiquitas plurimum debet, in notis ad Venantii Fortunati opera libro II. pag. 50. edit. II. Sed in Cangii Glossario *santos* passim *dominos*, & *domnos* etiam, per syncopem, apice uno ex *domini* voce detricto, ho-

honoris causa appellatos, uberrime notatum reperies. Ad hæc Latinorum perinde ac Græcorum exempla congescit vir eximie doctus Hugo Menardus in notis ad Concordiam Regularum sancti Benedicti Anianensis cap. lxx. pag. 1022. Immo Apostoli Petrus & Paulus non tantum *Domini*, ut in tabula donationis Gregorii II. sed etiam *Romani Principes* dicti, ut in nummo nostro, quem damus:



Auctor Panegyrici, Berengario Augusto dicti, Petrum Apostolum eodem sensu *magistrum* dixit, scilicet *dominum* more Gallico, potius quam *doctorem*, ut Hadriano Valesio interpreti visum. Summum enim pontificem Johannem x. nomine Romanorum sic affatur:

*ades præsul? Toties quid gaudia differs
Innumeris optata modis? Per vincla MAGISTRI
Te petimus, depone moras, & suffice votis.*

Viris doctis, qui Adnotationes in Johannis Boccatii Decameronem concinnaverunt, hoc idem apud antiquos scriptores Italicos alibi jam observatum pag. 79. Prænomen sancti Petro non datur in *Disco*. Hoc ejus antiquitatem ostendit. Johannes

hannes Baptista Sollerius in pererudita præfatione ad Martyrologium Ufuardi Artic. iv. §. 133. pag. xxxvi. quanto rarius *sancti* vel *beati* prænomen adponitur, tanto antiquiores esse Martyrologiorum codices monuit. Certe summis pontificibus martyrio coronatis nunquam adponitur in Calendario Romano sæculi iv. ab Ægidio Bucherio primum, & ab aliis postmodum edito. Quamquam ex signis etiam titulisque fictilibus per Bonarotium in primis, aliosque publici juris factis res per se patet; novo tamen id argumento lectorum oculis adhuc subijcio. Est saxea tabula sepulchralis *Afelli*, Christiani adolescentis, dignissima quidem certe quæ in hierothecam Albanam inferretur. Eam enim ex cœmeterio Hippolyti ad viam Tiburtinam in agro Verano paucis ab hinc annis ad se perlatam, M. Antonius Ansideus Damiatæ Archiepiscopus, inter sacræ aulae prælatos viros maxime illustris, utque juris divini & humani scientia clarus, ita ecclesiasticæ juxta ac profanæ antiquitatis studiosus, quem honoris causa nomine, gratum munus dedit recolendæ memoriæ Clementi XI. Pont. Max. mecumque genuinum ectypon graphice expressum perofficiose communicavit: quod eo libentius in æs incidendum curavi, quod alias nuper editum, sed fœde corruptum, insigne monumentum pristino suo nitore hoc pacto restituiam, Lapis est longus pedes iv. altus unum.

De-



ASEC(VBEMEMBER E
NTIQVIVICXITANNV
SEX MESIS OCTIDIES
XXII

Ex musco Albano

Demum saeculo v. prænomen *Sancti* usurpari cœpit, ex Bonarotio in Observationibus sacris pag. 83. plerumque tamen his literis contractum *SCS* in recto. In Roma subterranea Pauli Aringhii libro iv. cap. xxv. exstat lapis, in quo legitur *SCI MARCI*. Thomas Reinesius Classe xx. §. i. nullo certo argumento eum trahit ad A.D. 414. Est in Titulo Agnetis via Nomentana sub basi secundæ columnæ in dextero ordine. Supra vocem *SCI* serpit lineola, quam Aringhii, & ex eo Reinesius præterierunt. In ultimo versu pro *MENSE*, errore quadratarii legitur *MENSESE*. Vocem *SCS* eodem modo contractam pariter legas in notis Magnonis & Petri Diaconi post Valerium Probum inter Grammaticos veteres Eliæ Putschii pag. 1575. & 1681. In tessellatis etiam picturis ab Johanne Ciampino congestis tomo iI. Veterum monumentorum, inque epigrammatibus hoc ipso


no-

nostro Commentario prolatis. In nummis quoque ævi Carolini, a Paulo Petavio, Blanco, & Vignolio publicæ luci expositis. Item in Anglo-Saxonis & Anglodanicis, quos Andreas Fountaine subjecit tomo II. Thesauri veterum linguarum Septentrionalium Georgii Hickesii pag. 181. quibus adde prolatos a Johanne Spelmanno in tabula II. cum Vita Ælfredi Magni Anglorum Regis. Denique post sæculum XI. prænomen *Sancti* unica litera S indicari cœptum. Adi Claudium Molineum in Museo sanctæ Genovesæ pag. 145. num. VIII. & XXI. Hinc videat quomodo sibi consulere possit qui ex hoc uno elemento, superioribus sæculis alicubi expresso, nec nominibus propriis tamen adposito, sibi *Sanctum* posse exsculpere putavit. Argentei Venetorum denarii veteres apud me sunt, in quibus *Sanctus Marcus* eorum patronus literis compendiariis S. M. denotatur. Iisdem literis in nummo Rogerii Siciliæ Ducis *Sancta Maria* designatur apud Cæsarem Antonium Vergaram, qui pridem in lucem edidit Nummos Regum Siciliæ, & *terræ citra Pharym*, quam vulgo *regnum Neapolitanum* dicunt: qui tamen nummi omnes post sæculum XI. cusi. Horum ductu per plura carminum lemmata corrigas apud Venantium Fortunatum, aliosque. Ut res ipsa intuentibus pateat, lectorum oculis subjiciam nummos Pontificum Romanorum, sæculis IX. & X. percussos, atque aliam ob causam a me antea vulgatos, in quibus vox *Sanctus* eo modo, quem dixi, contracta spectatur, literis tamen scs ob angustiam circuli curve expressis, nec lineola extensa præterquam in III. & IX. contextis.


CAP. XIV.

A. D.
816.

I

Stephanus IV.*Gyras**Monogramma*✠ SANCTUS. PAULUS
STEPHANUS✠ SANCTUS. PETRUS
ROMA

II

Nicolaus I.✠ SANCTUS. PETRUS
NICOLAUS. PAPA

✠ ROMA

818.

III

Johannes VIII.✠ ROMA
JOHANNES


SANCTUS. PETRUS

872.

L V
Stephanus V.

CAP. XIV

A. D.
885.




✠ SANCTUS . PETRUS ✠ SANCTUS . PAULUS
STEPHANUS ROMA.

Gyrus
Monogramma

V
Benedictus IV.


900.



✠ SANCTUS . PETRUS ✠ SANCTUS . PAULUS
BENEDICTUS ROMA

VI
Anastasius III.

911.




✠ ROMA
ANASTASIUS

SANCTUS . PETRUS

CAP. XIV

A. D.
946.


VII

Agapitus II.*Gyru**Monogramma*

✠ AGAPITUS . PAPA

✠ SANCTUS . PETRUS
ALBERICUS


VIII

Johannes XII.✠ DOMNUS . JOHANNES
PAPA✠ SANCTUS . PETRUS
ROMA

IX

Leo VIII.

963.



DOMNO . LEO NI . PAPA

SANCTUS . PETRUS

x

X
Benedictus V.

CAP. XV,

A. D.
964.

BENEDICTUS

✚ SANCTUS . PETRUS
ROMA

Gyrus

Monogramma

X V

Formula de Donis
Der a summis pon-
tificibus usurpata.

AT omnibus testimoniis ea præferre maxime decet, quæ summorum Pontificum sunt. Quare Gregorianæ formulæ quasdam alias, ex successorum stilo petitas, adjungam. Primo loco epistolæ exemplum ex libro Diurno Romanorum Pontificum prodeat, quæ est donatio servi, his plane verbis compolita pag. 114. tit. XVIII. *Credimus, ad augmentum & laudem sanctæ Ecclesiæ pertinere, si EX DONIS BEATI PETRI Apostolorum principis, cujus, licet impares meritis, vices tamen, Dei dignatione gerimus, ejus utilitatibus fidelia exhibentibus servitia, aliquid largiamur. Non enim respicit ad dispendium, quod eis irrogatur, dum largitatis Apostolicæ munificentia invitantur majori studio atque alacritate in commissis invigilare ministeriis, & solerti cura erga creditas utilitates impendere devota mente certamina. Igitur tuis &c.* Hactenus in libro Diurno, quem Garnerius ad Gregorii II. Pont. Max. ævum pertinere arbitratur. Gregorio II. Sergium III. subnecto. Indiculus eorum, quæ reparavit in basilica Late-

ra-

CAP. XVI

ranensi, existat in Appendice Johannis Diaconi ad Ordinem Romanum to. II. Musei Italici pag. 575. Ibi hæc leguntur: *postquam in honore tui nominis, mundi Salvator, & commemoratione tui, sancte Johannes Baptista, de tuis donis per multa certamina & labores præfatus Sergius II. Papa hanc basilicam in ruinis positam, a fundamentis construxit, cum omnia ornamenta aurea & argentea atque ænea ex ea ablata fuissent ab invasoribus, reparare, & offerre tibi alia cum devoto animo studuit. Ea statim recenset, interque hæc gavatas de argento xxv. Sergii II. Indiculum subsequatur verus auctor, Magister inscriptus, in Regula, quæ cura & studio Lucæ Holstenii officinam typographicam subiit. De eo, qui familiæ monasticæ nomen dederit, hæc profert cap. LXXXIX. si cum rebus suis introierit, tunc ille Brevis, vel Donatio rerum suarum, Deo vel monasterio facta, ipsius donatoris manu super altare ponatur, dicente ipso fratre: ecce, Domine, cum anima mea & paupertate mea quidquid mihi DONASTI, tibi RECONSIGNO & OFFERO.*

XVI

Formula de Donis
Dei est mæz liturgica.

Formula DE. DONIS. DEI. ET. BEATI. PETRI me ad alia properantem, iterum sistit. Est enim mere liturgica. Constat, in *sancta mensa*, convivio Dominico parata, quam Tertullianus in fine libri de Oratione *Aram Dei* appellavit, *dona* & *oblaciones* per illos, qui Missæ sacrificio intererant, fieri consuevisse, ex quibus panis & vini pars in Christi corpus & sanguinem verbis a sacerdote prolatis converteretur. Hinc antiquissimi libri liturgici in Canone actionis statim post

post consecrationem nobis servarunt hæc verba, veterrimam formulam, castæque religionis plenissimam, exhibentia: *offerimus majestati tue DE TUIS. DONIS. AC. DATIS: hæc dona, hæc munera, hæc sancta sacrificia illibata*: quæ verba ad unum omnia in nostra quoque liturgia recitamus & recitarunt majores nostri. Confer aureum Gelasianum Codicem sacramentorum Romanæ Ecclesiæ libro 111. pag. 197. cujus editionem debemus Venerabili viro Josepho Mariæ Thomasio S. R. E. Tituli Equitii presbytero Cardinali, ob antiquam pietatem, penitentioremque rerum ecclesiasticarum scientiam summis laudibus prædicando, cujus inclyto nomini doctorum & proborum chorus assurgit universus, mihiq; illud identidem repetere jucundissimum est, plures annos stricta tanti viri necessitudine uso. Pro Gelasiano Codice, si opus est, vadimonium sistit Sacramentarium Gregorianum apud Jacobum Pamelium to. 11. Liturgicorum pag. 181. cumque eo Liturgia Gallicana a Mabillonio illustrata libro 111. pag. 328. In Liturgia sancti Marci cura Guillelmi Cardinalis Sirlleti ex veterrimo codice Rossanensi eruta & Parisiensibus typis expressa A. D. 1583. hæc verba exhibentur pag. 48. *quæ TUA sunt, DE TUIS bonis hæc proposuimus coram te*. Eadem ferme supersunt in sancti Basilii utraque Missa, Græcorum in Euchologio Jacobi Goari pag. 168. & Coptitarum apud Eusebium Renaudotium in Liturgiis Orientalibus tomo 1. pag. 15. & 68. in quibus hæc prostant: *TUA. EX. TUIS, tibi offerimus: vel offerimus tibi hæc DONA. EX. BONIS. TUIS*, quod perinde est. Nec tacendus contextus Arabicus

la.

latine factus a Victorio Scialachio Maronita e Libano, apud quem pag. 19. editionis Augustana hæc habentur : *offerimus tibi has TUAS OBLATIONES ex eo, quod TUUM est*. Gregorius Nazianzenus item Arabicus, eodem interprete, ita habet : *offerimus tibi hæc SACRIFICIA TUA ex iis, quæ TUA sunt*. Consonat Johannes Chrysostomus, cujus Missa apud Goarum pag. 77. hæc præfert : *TUA ex TUIS tibi offerimus*. Eandem formulam habes in Missis Nazianzeni & Marci Evangelistæ apud Renaudotium to. I. pag. 105. & 157. His planum redditur, formulæ disciplinam Occidentalibus æque ac Orientalibus omnino unam & communem fuisse. Ex latinis eam declarat Venerabilis Hildebertus Cenomanensis antistes in versibus de Mysterio missæ, operum pag. 1145. Est locus, qui præteriri non debet :

DE DONIS, PROPRIISQUE DATIS, *tibi munera pura,
Munera sancta, sed & immaculata, damus :*
DONA, *quidem, nobis Domino data, nam quod in escam*
DONAT, *nos ipsi, SACRIFICANDO DAMUS.*

Dona sunt quæ a Deo accepimus, data sunt, quæ nos de ejus donis eidem offerimus. Literales in rebus liturgicis explicationes mysticis sunt præferendæ : quod in Elogio historico summi viri Cardinalis Thomasi alibi dictum. Ab Onuphrio Panvinio in Explicatione mysteriorum Missæ in MS. codice Vaticano 4973. fol. 183. 2. locus sic illustratur : HÆC DONA. Ante consecrationem plura sunt ; post consecrationem unum & idem. Non enim aliud sub illa panis & vini specie :
ne-

neque aliud sub specie panis, aliud sub specie vini; sed idem penitus sub utralibet continetur. Hæc autem verborum inculcatio ad affectus vim inculcandam pertinet. Vocantur autem quæ ad altare offeruntur & DONA & MUNERA. Paulus ad Ebræos v. 1. de pontifice loquens: ut offerat, inquit, DONA & SACRIFICIA pro peccatis. Christus ipse in Evangelio Matthæi v. 24. si offers MUNUS tuum ad altare. Et in Genesi iv. 23. respexit Dominus ad Abel & ad MUNERA ejus. Hæc Panvinius. De crucis signis, quæ a sacerdote super iisdem donis ac datis, in Christi corpus & sanguinem versis, fiunt, consulendus Claudius de Vert in Explicatione Cæremoniarum Ecclesiæ to. 1. cap. 111. pag. 187. & 190. edit. 11. Hildeberti pura & simplex interpretatio me retrahit, ne in ejus operum albo censerî posse arbitrer *Expositionem Missæ*, quam ex conjectura eidem adscripsit auctor postremæ editionis Antonius Beaugendre. Scriptor enim opusculi totus est in mysticis originibus congerendis, ab ingenio Hildeberti alienis, etiam pag. 1122. ubi locum superius adductum aliter ac genuinus Hildebertus explicare conatur. Hactenus dicta mirifice illustrabuntur, si ex libro Pontificali pulcherrimum locum adduxero, dignum certe qui huc adducatur. Est in Leone 111. pag. 212. ubi egregia, ab eodem pontifice in Basilicam Ravennatensem sancti Apollinaris collata beneficia, recensentur: *super altare vero ipsius sacræ basilicæ ob honorem omnipotentis Dei, & beati Petri Apostoli, DE HUIUS DONIS ac DATIS fecit vestem sericam rosatam habentem in medio crucem de chrysoclavo sum orbiculis.* Verba indicant, Leonem non de

suo, sed de *oblationibus* & elemosynis, Vaticanæ principis Apostolorum basilicæ per Christianos *dati*, ea, quæ præmittuntur, in æde sancti Apollinaris fieri iussisse. *Dandi* formula habet hic suam venerem. Ex veterum latinitate manavit, apud quos res votivæ *Deo dari* dicebantur. Post Gruterum pag. 1v. 12. unum & alterum exemplum profert Tomasinus in opere de Donariis cap. 1. in fine. Formulam *de donis Dei* a piis Christianis usque ad sæculum xii. custoditam nuper didicimus ex Johannis Friderici Schannati Vindemiis literariis pag. 65. §. xxii. ubi in donatione cœnobio sancti Stephani Herbipolensis facta A. D. 1107. hæc offendimus: *Ego Egispertus & uxor mea Mathildis modicam pridem OBLATIONEM DE DONIS DOMINI ad altare sancti Petri Apostoli retulimus.*

XVII

Orbiculi votivi,
choræ etiam dic-
ti, alias *clypei*.

Orbiculorum mentio in fine capitis vi. injecta me monet, ut fidem liberem, quam oppigneraveram, de iis infra me acturum pollicitus. Erant *orbiculi* scuta rotunda, seu mavis *clypei*, quibus sacræ imagines atque historiæ continebantur. Nicolaus Alemannus in Dissertatione de Parietinis Lateranensibus cap. ix. pag. 68. lapidem anaglyphum dedit ex Ticinensi basilica sancti Michaelis, ubi Christus Dominus in *orbiculo* exstat medius inter sanctos Apostolos Petrum & Paulum. Titulus sancti Petri ad Vincula marmoream tabulam servat cum epigraphæ insigni, a viris doctissimis memorata. Eam adducunt purpurati viri Baronius A. D. 531. §. viii. & Noriius in Historia Pelagiana lib. ii. cap. xxiii. in fine, non tam-

men per omnia accurate descriptam. Adduxit etiam Holstenius in notis ad Collectionem Romanam, & ex eo Petrus Relandus in Fastis pag. 709. Pagius quoque A. D. 531. §. v. Nonnihil accuratior habetur in Propyleo Bollandiano pag. 78. Nos primum ex ipso marmore albo fidelissime exceptam hic damus. Est parieti sinistro affixus lapis sub organis contra mausoleum Julii II. Pont. Max. Consulatus ei subjectus minutioribus literis, quam reliquus contextus representatur, ut in alia inscriptione hac vetustiore apud Mabillonium in Supplemento diplomatico pag. 114. & Bonarotium in Observationibus sacris pag. xvi.

✠ SALBOPAPAN IOHANNES COGNOME IN
TOMERCVRIO EX SCÆ ECCLESIE ROM. PRESBYTE
RIS ORDINATO EX TIT. SC. CLEMENTIS AD GLO
RIAM PONTIFICALEM PROMOTO BEATO PETRO
AP. PATRONO SVO AVINCL. SEVS SEVER. SP. B. ERT
ET TIT. PC. LAMPADIE TORESTIS. CVRRI. CIV. CED. RI. NV. SE. T

Notæ chronologica congruunt A. D. 532. quo Johannes II. Pont. Max. Bonifacio II. successor est datus. *Urbiculum* recte *Orbiculum* explicat Daniel Papebrochius; sed vir doctus *mensam* ea voce denotari male ominatur. *Clypeum* votivum *cedrinum* denotat, quem Severus Tituli beati Petri

a vinculis presbyter patrono suo munus offert cum ejusdem Apostoli effigie, seu *thorace*. Siquidem *thorax* pro *clypeo*, sive *orbiculo*, sumitur a nostrate Rufino in Historia ecclesiastica libro XI. cap. XXIX. ubi THORACES *Serapidis* memorat, qui (Alexandriæ) *per singulas quasque domos in parietibus, in ingressibus, in postibus etiam ac fenestris erant*. Locum Rufini perpendit Josephus Scaliger in Animadversionibus Eusebianis ad annum Abrahami 2286. Protomas Serapidis (Italice *busti*) Rufinus *thoraces* dixit. *Clypei* tamen imaginibus instructi suspendebantur, & detrahi poterant; sed *thoraces* atque *orbiculi*, de quibus loquimur, in rem aliam, puta parietes, etiam infixi. Salmasius ad Vopiscum in Probo cap. XXIII. *sacros vultus in thoracibus pictos aut calatos adnotavit*. Trebellius in Claudio cap. II. auctor est, *clypeum aureum, Senatus totius judicio, in Romana curia collocatum, ut etiam nunc videtur*. Expressa THORACE *vultus ejus imago*; idest in ipso *thorace*, seu *clypeo* aut *orbiculo expressa* fuit *Claudii imago*, protome dicta. Neque enim locus per se clarus, Scaligero & Salmasio erat sollicitandus. Martialis quoque initio libri VIII. Minervæ clypeum, *thoraca* appellavit. Clypei habentes imagines Deorum & Cæsarum ex auro & argento pectore tenus in signis militaribus cohortium suspensi præferbantur: quos in veterum nummis cufos passim adspicimus. Adi Ezechielem Spanhemium tomo II. magni operis pag. 231. & 237. Hujusmodi *orbiculos* in musivis Ciampinianis reperies. Erant etiam *orbiculi* coloribus fucati & acu picti, sive arte *plumaria* contexti, de qua Bernardinus Bal-

dus

dus in Lexico Vitruviano, & Cangius in Glossario . Iidem orbiculi cœlitum imaginibus destinati, præsertim in monumentis Christianis, passim occurrunt : quod patet ex limbo æreo, ad sanctum Disibodum attinente apud Bollandianos hagiologos tomo II. Julii pag. 587. In medio altaris Langobardici, a me superius memorati, exstat *orbiculus* cum imagine servatoris Christi Domini . In vestibulo ipso Observationum cl. Bonarotii ad sacra vitra exstat sarcophagus Christianus cum *orbiculo* medio viri & mulieris, quorum corpora subtus clausa fuerunt . *Orbiculi* historiis quoque in sacras vestes inferendis variabantur . Anastasius enim pag. 185. ait, Leonem III. pontificem vovisse in Titulo sancti Pauli *vestem in ORBICULIS chrysoclabis, habentem historias Annunciationis & sanctorum Joachimi & Annæ* . Infra pag. 191. memorat *cruces de chrysoclavo cum ORBICULIS*, ab eodem pontifice factas in basilica sancti Petri . Pag. 208. cum obtulisse ait *tabulas, seu (pro &) ORBICULOS de chrysoclavo, diversis depictos historias* . Rursus pag. 209. idem pontifex in basilica Liberiana curasse dicitur *vestem albam holosericam rosatam, ornatam in circuitu de chrysoclavo, & in medio habentem crucem cum ORBICULIS de chrysoclavo* . Mox pag. 210. in diaconia Apostolorum *Via lata ORBICULOS de chrysoclavo cum perichysi de tyrio* . Leo IV. pag. 285. in circuitu altaris sancti Petri fecit *cruces & gammadias de chrysoclavo cum ORBICULIS, in quibus sunt imagines Apostolorum* . Ad hæc pag. 291. in eadem ecclesia fecit *vestes sericas duas, ex quibus una habet in medio tabulas de chrysoclavo, & alia habet in medio cruces & ORBI-*
CU-

CULOS quatuor cum gammadiis. Infra demum : super ipsum altare fecit vestem auro textam , candidis per totum margaritis fulgentem , & in dextera , laevaque tabulas gemmatas habentem cum aureis per circuitum ORBICULIS , quibus insigne ipsius præfulis est nomen descriptum . Sanctus Aldhelmus , alias Althelmus , Schireburnensis in Anglia apud occidentales Saxones saculo VII. episcopus in libro de Laudibus virginitatis cap. xv. pag. 305. editionis novæ Henrici Whartoni morem suæ ætatis in huiusmodi orbiculatis vestibus contexendis sugillat , neque ullo pacto in Virginibus probat : *cortinarum* , inquit , *sive stragularum texture non paucule purpureis , immo diversis colorum varietatibus fucata inter densa filorum stamina ultro citroque decurrant , & ARTE PLUMARIA omne TEXTURINUM opus diversis IMAGINUM THORACICULIS percurrent* . Ravennæ adhuc lacinias sacræ vestis seu casulæ superesse in cœnobio Classensi nuper didicimus , *orbiculis* seu *thoracibus* imaginum episcoporum distinctas : quas , me flagitante , delineandas curavit præclarus Abbas olim Classensis Petrus Cannetus . Earum meminit Hieronymus Rubeus in Indice Historiarum Ravennatum , v. *diptycha* , & ex eo Cangius in Glossario . Ex locis jam allatis patet , *orbiculos* cum *tabulis quadratis* , per similitudinem ita dictis , non debere confundi , ut sane confudit Octavius Ferrarius , cetera perspicax , & bene de re vestitaria meritis , in Analectis cap. xxix. nimirum Alberto Rubenio contradicturus , qui Libro I. de Re vestitaria cap. xxiv. *orbiculos* , de quibus loquimur , a *tabulis* ita dictis contra Claudium Salma-

ma-

maſium recte diſtinxerat. Has *tabulas* ſeu *clavos laſos*, a Plinio lib. xxxv. cap. ix. *palliorum teſſeras* dici, notat Rubenius, cap. x. Ad Plinii locum ornandum plura congeſſit Carolus Datus in Vitis Pictorum veterum pag. 23. cui jungas velim Joſephum Mariam Suareſium in Commentatiuncula de *Veſtibus literatis*, & Johannem Fridericum Gronovium, a Dato congeſta probantem, in Notis ad aliquot libros Plinii poſt tomum III. editionis Leydenſis apud Hackios anni 1668. pag. 833. 834. Ferrarii in Rubenium ærugo panditur ab ejus olim amico Johanne Georgio Grævio in præfatione ad tomum v. Theſauri Antiquitatum Romanarum.

XVIII

Alia formula Diſci
Peruſini, ætate ſe-
culi.

ALia *Diſci* Albani formula hæc eſt: UTERE. FELIX. Elegans vero eſt, & veteribus frequens, hoc ſonans: *in utilitatem tuam, felix, hunc diſcum verte*. Itaque *Diſcus* non ad ornatum & pompam, ſed ad *uſum* in ſacro miniſterio oblatuſ. Pereximius Senator & amicus noſter Bonarotius nummis Carpineis jamdudum admiscuit pateram æneam, ab ſe in præfatione eleganter pro more deſcriptam atque explicatam pag. xvii. xviii. & xix. in qua eſt formula UTERE. FELIX. Idem ſcriptor, antiquitati explicandæ natus, atque opido ſagax, pridem in *Obſervationibus ſacris* pag. 208. ter quoque hanc formulam protulit ex Fibula aurea, gemmiſque anularibus, ubi lectum integris vocibus UTERE. FELIX, & compendiariis UT. FX. Eam a Tiberio Conſtantino Auguſto, Juſtini junioris ſucceſſore uſurpatam auctor eſt ſanctus Gregorius Turonenſis in *Hiſtoria Franco-*
rum

rum lib. VI. cap. XXX. Tiberius enim pridie, quam moreretur, data in uxorem filia Constantina Mauricio, his eum verbis *Imperatorem* inauguravit: *sit tibi Imperium meum cum hac puella*, UTERE EO. FELIX, hoc est *Imperio*. Quispiam codex habet *ea*, non *eo*, quasi ad *puellam*, non ad *Imperium* verba Constantini referrentur. Sed vulgata lectio tangi non debet, quam retinet quoque nova editio clari nominis viri atque olim amici mei, Theoderici Ruinarti. *Imperium* enim in recto est, quo Mauricius a Tiberio *felix uti*, fausto omine prænunciatur. Siquidem formula est omen felicitatis, re utenti. Id penitus firmat Paulus Diaconus Aquilejensis in libro III. de Gestis Langobardorum cap. XV. Ait enim, a Tiberio Mauricius electum, cui ornatam filiam suam regalibus ornamentis tradidit, dicens: *sit tibi Imperium meum cum hac puella concessum*, UTERE. EO. FELIX, *memor semper, ut æquitate & iustitia delesteris*. Alia formula sponsalibus acclamabatur, nimirum FELICITER, ex Francisco Bernardino Ferrario in opere a me sæpe laudato de Veterum acclamationibus & plausu libro VI. cap. XIII. Eadem formula aliis quoque acclamatum, ex Phædro lib. V. Fab. I. n. 5. Sed rei, quam tractamus, in bono lumine collocandæ alius locus Pauli Diaconi aptissimus est. Utramque enim *Disce Albani* formulam refert, priorem quidem DE. DONIS DEI aliis verbis, metri lege ita iubente; posteriorem UTERE. FELIX iisdem omnino verbis. Paulus igitur postquam Caroli Magni imperio obsecuturus Homilias per anni circulum in Ecclesia legendas in unum corpus digessisset, codici,

dici, summi Principis manibus terendo, pro epistola nuncupatoria carmen adonium præposuit, Boethium in eo fortasse imitatus. *Bipedale* appellat sanctus Columbanus, cujus pervenustum ejusmodi carmen legitur in Sylloge Epistolarum Hibernicarum Jacobi Usserii §. vi. Pauli totum damus ex editione Colonienſi apud Maternum, Cholinum A. D. 1557. in folio: quam postea ibidem iteravit Laurentius Surius A. D. 1576.

Paulus Diaconus.

UTERE . FELIX
MUNERE . CHRISTI
Pluribus annis
Luxque decusque,
Magne tuorum
Carole Princeps,
Atque togate
Arbiter Orbis,
Dardaniæque
Gloria gentis.



Paulus majores Caroli Magni a Trojanis creditos tradiderat quoque in libello de Episcopis Metensibus. *Anchisus* Caroli abavus, sancto Arnulfo natus, ex *Ansegiso* corruptus, quali ab *Anchise* Trojano sic dictus, id persuaserat. Ad hæc *Priamus* Rex Francorum in Fastis Prosperi: quem licet vir, linguarum & rerum peritia insignis, Abbas Ludovicus du Four de Longuerue in Annalibus Merovingicis, nondum publici juris factis, prorsus expleret, eum tamen ex *Pharamundo*

H

quo-

quodam seniore in *Pharamum* contracto, derivavit Godefridus Guillelmus Leibnitius in Disquisitione de Origine Francorum. Hujusmodi priorum nominum contractiones, antiquis etiam usitatas, animadvertit Stephanus Lemonius ad *Varia sacra* to. II. pag. 774. Pauli *Homiliarium* ante omnes vulgaverat Spiræ Petrus Drack A. D. 1482. in forma folii; sed Patrum ipso Paulo juniorum Homiliis interpolatum. De hoc vide Carolum Cointium in *Annalibus Ecclesiasticis Francorum* tomo VI. A. D. 797. §. xxxviii. & Mabillonium in suis tomo II. lib. xxvi. §. lxi. pag. 328. Johannes Volricus Surgant rector ecclesiæ sancti Theodori Basileensis ex codice patriæ bibliothecæ novam Homiliarii editionem undecim annos post priorem illam Spirensē adornavit Basileæ apud Nicolaum Kessler A. D. 1493. in folio. Hanc postea denuo ibidem recudit Jacobus Pforzen A. D. 1505. tomis duobus, volumine uno in folio minori. In his editionibus interpolatis desunt versus Pauli Diaconi, a me adducti. Vetus apographum sincerum & purum, in binos magnæ molis codices digestum, Mabillonius contrectavit apud Augienses cœnobitas in lacu Potamico; quot nimirum codices fuisse tradiderat auctor Vitæ sancti Ansegili Abbatis Fontanellensis in *Actis Sanctorum Ordinis sancti Benedicti* sæculo IV. Parte I. pag. 634. §. 8. & Sigebertus in *Catalogo* cap. lxxxI. Atque hæc obiter dicta sint. Idem Mabillonius, cujus nomen optimum, deque literis egregie meritum, non cessabit unquam laudari, quandiu studia Christianæ antiquitatis suos habebunt peritos & probos aestimatores, excutiens

tiens veteres chartas bibliothecæ sancti Galli apud Helvetios, reperit *Juliani Toletani Prognosticon futuri sæculi*, his versibus prænotatum in *Analectis* to. IV. pag. 634.

CAP. XIX

UTERE FELICITER, *Spassande papa*,
Jugiter per sæcula longa.

Subinde vir doctissimus quum *Spassandum* quendam initio sæculi x. Abbatem Pinensem in Galloecia offendisset, huic, postmodum alicubi *episcopo*, oblatum codicem Sangallensem suspicatus est in *Annalibus* tomo II. pag. 326. At *Spassandus* ille quæri non debuit extra ævum *Juliani*. Sedit *Episcopus Complutensis*, cumque eodem *Juliano*, suo metropolitano, interfuit Concilio Toletano xv. A.D. 688. & quinquennio serius subscripsit Concilio Toletano xvi. apud claræ memoriæ Cardinalem Josephum Aguirrium in Conciliis Hispaniæ to. II. pag. 728. & 747. *Julianus* ergo suum *Prognosticon* in nomine *Spassandi papæ* (sive *episcopi*) *Complutensis*, apparere voluit, formulam UTERE FELICITER pro FELIX, ob legem carminis, usurpare compulsus. Rei *usus* non frustra in sacris donariis toties inculcatur, quod nimirum *usus* tantum Ecclesiæ ministris; summum jus & imperium uni Deo & Sanctis ejus offerentium religio contraderet.

Quum *Discus Albanus* in æde sacra non ad ociosum ornatum, sed ad *usum* oblatus fuerit, jam superest, ut quam in re mysta FELIX, & cum GAUDIO, illo uti debuerit,

H 2

rit,

XIX

Distus Perossus ad quem usum oblatus in æde sacra?

rit, a nobis investigetur. Rem aperiet, si bene auguror, provinciæ nostræ Aquilejensis celeberrimus presbyter, & dein Pictavorum in Gallia Aquitanica episcopus, Venantius Fortunatus. *Eulogia* (latine *benedictio*) apud scriptores sacros notior est, quam, ut meis verbis explicari egeat. Sirmondus in Disquisitione de Azymo cap. vi. *triplicem* apud Christianos vocabuli notionem promittit. At vero Edmundus Martenius in Commentario ad Regulam sancti Benedicti cap. liv. *novem* sacras vocis significationes adducit. Generatim *Eulogia* est munus ex caritate datum; sed passim donati eo vocabulo *panes oblati* in ecclesia, ex quibus pars aliqua ad Christi corpus conficiendum feligeretur. Hæ vero *Eulogia* post peractam liturgiam, a sacerdote cunctis præsentibus viritim paullo ante dimissionem, publice distribuebantur. Erant etiam *Eulogia* privata sive panes, sive bellaria, & alii cibi, obsonia, & quodvis fructuum genus, cui sacerdos bene precatus antea fuisset. Has episcopi, presbyteri, abbates, abbatissæ, ultro citroque dabant, accipiebantque. De utrifque post Baronium A. D. 313. §. lxi. & lvi. & Bonam in Rebus liturgicis lib. i. cap. xxiii. Menardum quoque ad Concordiam Regularum cap. lxi. pag. 875. unum pro omnibus uberrimo eruditionis apparatu differentem indicare sufficiat Cangium in Glossario. Non enim est volupe jam pridem ab aliis observata & congesta, illaudatis auctoribus, suffurari, ut alienis exuviis læti, crambem repetitam exhibeamus. Graculi ab omni pudore imparati, qui hoc agant, non desunt, immemores moniti Pliniani in præfatione Historiæ natu-

turalis, *obnoxii profecto animi & infelicitis ingenii esse, deprehendi in furto malle, quam mutuum reddere*. De *Eulogiis*, Christianisque *oblationibus* speciatim se acturum sponderat Valerius Chimentellius in opere de *re donatica*, cujus synopsis subjecit *Marmoris Pisano de honore Bisellii*. Eum vide pag. 238. Tomasino autem cap. XLIII. de Donariis spes fuit, Franciscum Bernardinum Ferrarium, & Leonem Allatium, nobile par litteratorum, Christiana Latii & Græciæ donaria commentariis illustraturos: dignum sane horum eruditione argumentum, a neutro nihilominus pertractatum. Jam patet usus ecclesiasticus *Gabatae Albanae*, recipiendis nimirum *Eulogiis* destinatae. Id extra omnem dubitationis aleam ponit Venantius Fortunatus, qui & *Gabatam* (sive *Gavatam*, quod idem est) *argenteam*, nostræ persimilem, verbis in *orbicula ornatam*, describit, & *Eulogias in Gabata argentea* ad se dono missas, geminato epigrammate celebrat, utroque in rem nostram huc transferendo. Prius est libro VII. 24.

*Qui legis in pulchro circumdata verba metallo,
Si venias purus, hoc imitaris opus;
Nam velut argentum calida fornace probatur,
Sic se purgato pectore prodit homo.*

Alterum est libro XI. 10. ad Agnetem antistitam pro *Eulogiis* ex sanctæ Radegundis, olim Reginae Francorum, parthenone ad Venantium transmissis:

*Multiplices epulae concurrunt undique fusa,
Quid prius excipiam, me bonus error habet.*
Car-

CAP. XX *Carnea dona tumens ARGENTEA GAVATA perfert ,
Quo nimium pingui jure natabat holus .*

XX

Vasa aurea & ar-
gentea a principi-
bus viris oblata in
sedibus sacris .

Ceterum *vasa aurea & argentea* Deo , Sanctis-
que offerentes , peculiari id caremonia pe-
regisse , ex monumentis ecclesiasticis constat . De
aliis *oblationibus & donariis* idem plane dicendum .
Gregorius Nazianzenus in Orat. xx. de laudibus
sancti Basilii Magni §. 77. to. I. operum pag. 351.
editionis Morellianæ anni 1630. narrat , Valen-
tem Augustum Deo dicatam ædem catholicorum
ingressum , *dona , quæ ipsemet fecerat , & αὐτοῦ
ἐν τῇ* in sacram mensam inferre voluisse : quæ ta-
men , ab hæretico oblata , nemo acceptavit . Theo-
dorus libro IV. Hist. Eccl. cap. XIX. hæc *dona*
generatim memorat ; sed quid essent , nequaquam
exponit . Mabillonius in Commentario ad Ordi-
nem Romanum pag. XLV. *panem oblatum* existi-
mat . Quid , si *panis* in *vaso aureo* per Valentem
oblatus ? Munus Imperatore dignum , nec absur-
dum fuisset . Nicetas Serronius in scholiis to. II.
Operum Nazianzeni pag. 781. §. 77. *donum* Va-
lentis *vasa aurea* , quæ ipsemet Imperator fecisset ,
interpretatur . Hoc tamen Godefrido Hermanno
in Vita Basilii lib. V. cap. III. & Sebastiano Tille-
montio in Commentariis de Historia Ecclesiastica
to. IX. pag. 160. editionis I. vero simile nequaquam
videtur . Atqui hoc nihil probat . Multa enim
vera sunt , quæ verosimilia non sunt : neque alias
unquam dedecuit summates , Augustosque ipsos
interdum nobilioribus mechanicis artibus operam
dare , seque in iis exercere . Neronem *pingendi ,
singingique maxime , non mediocre studium* habuif-
se ,

se, testis est Suetonius in Vita cap. LIII. Hadrianus, *pictor, fitorque ex are & marmore* dicitur a Paulo Diacono in Historia miscella lib. x. pag. 265. edit. Canisiana, utique ex vetustioribus testimoniis, Etenim a Spartiano *pictura peritissimus* dicitur cap. xiv. & a Victore Schotti cap. xxviii. *pictor, fitor ex are vel marmore proxime Polycletos & Euphranoras*. Capitolinus Marcum ait cap. iv. *operam pingendo dedisse*? Quid? quod ab Ammiano libro xxx. cap. ix. Valentinianus I. *Valentis* hujus, de quo loquimur, frater, *venuste pingens & fingens, & novorum inventor armorum*, vocatur, ne a vero abludere arbitremur, *Valentem* quoque ipsum, Valentiniani germanum, *sua manu vasa aurea* finxisse: quod ex Nazianzeno Sermonius exposuit. Deinceps Catalogo mechanicorum artificum Francisci Junii Valens merito adjungi poterit. Ejusmodi porro anathemata a principibus viris Deo & Sanctis offerri consuevisse, exemplis aliunde petitis mox confirmabo. Hi sacrae liturgiae aderant in loco, quod *Senatorium* dicebatur, *infra presbyterii cancellos* in parte australi, adnotante Mabillonio in Commentario pag. xxii. & xlii. Confer Cangium ad Paulum Silentiarium pag. 554. 560. & in Constantinopoli Christiana libro II. cap. xlix.

MUſiva opera, sub fornice aræ maximæ Ecclesiæ Ravennatis sancti Vitalis exstantia primus edidit Hieronymus Rubeus in patria Historia pag. 897. deinde Nicolaus Alemannus in notis ad Procopii Historiam arcanam cap. xlv. & ex eo Octavius Ferrarius in Analectis de re vestiaria

CAP. XX

XXI
Ritus vasa aurea
& argentea Deo offerendi illustratur.

CAP. XXI

stiaia cap. XVIII. Mox Cangius in Historia Byzantina pag. 97. & rursus demum ex archetypis Johannes Ciampinus to. II. cap. IX. tabula XXII. In his ritus sacer, quo *Justinianus* Augustus *vasa aurea* obtulit in eadem Ecclesia, repræsentatur. Ibi enim *Maximianus* Archiepiscopus, clero præeunte, Imperatorem ad gradus basilicæ ab se exceptum, *vasque aureum* manu gestantem, palatinæ custodiæ spathariis stipatum ad ædem sacram, introducit. In alia vermiculati operis parte visitur *Theodora* Justiniani uxor in *Atrio*, quod *Area*, *impluvium*, *triporticus*, *quadriporticus*, *paradisus*, & *narthex* alias dictum, ubi est *fontis*, quem *cantharum*, *phialam* & *nymphæum* appellaverunt. Hæc accurate pertractant Heribertus Rosweyodus in notis ad Paulinum Nolanum pag. 814. editionis Plantiniana, & Cangius in Constantinopoli Christiana libro II. cap. XXI. & XXII. inque Commentario ad Paulum Silentiarium pag. 534. 536. 538. ubi sanctæ Sophiæ, ceterarumque ædium sacrarum partes uberrimo reconditæ eruditionis apparatu describit. Augusta ipsa *vas aureum* pariter manu gestat, eandemque Cæsarei gynæcæi matronæ per narthecem in sacram ædem ingredientem comitantur: cujus *velum* Augustalis minister extollit. *Vasa* hæc non fuisse vacua, sed panem, de more offerendum, continuïssè arbitror. Panis enim & vinum in usum incruenti sacrificii offerebatur. Etiam Carolus Magnus, ab Leone II. Pontifice jam *Augustus* dictus & coronatus, in *confessione* Beati Petri obtulit *diversa vasa ex auro purissimo* in MINISTERIO *ipsius* MENSÆ, inquit auctor vetus in libro Pontificali pag. 184. Ce-

Ceteri non in *vasis*, sed in *candidis fanonibus*, quæ erant mundissima linteamina, panem offerebant. *Fanonis* triplicem significationem Mabillonius distinguit in Vita sanctæ Wiboradæ Sæculo v. Benedictino pag. 51. Primo enim sumitur pro *quavis mappula*. Secundo pro vestis sacræ parte illa, quam *manipulum* vocant. Tertio pro *corporali*. Nos de *mappula* loquimur, quam *lintheum oblativum* etiam dixerunt. Hujus generis fuisse oportet *fanones* xx. quos Theobaldus Abbas fecit in ecclesia sancti Silvestri, ex lapide inscripto A. D. 1060. apud Johannem Jacchettum in Historia ejusdem sacræ ædis cap. vii. pag. 45. Si vacat, consule virum pium & eruditum Edmundum Martenium in Antiquis Ecclesiæ ritibus libro 1. parte 1. cap. iv. artic. vi. pag. 378. Interim audi Honorium in Gemma animæ libro 1. cap. xxvii. *quidam de populo AURUM, quidam ARGENTUM, quidam de altera substantia SACRIFICANT*. Sic pariter *Discus Albanus* sacrificatus est. *Oblatio* enim *sacrificium* dicebatur. Dixit quoque Cyprianus in libro de Opere & eleemosyna §. xi. *quæ in dominicum* (hoc est in sacram ædem) *sine SACRIFICIO venis; quæ partem de SACRIFICIO, quod pauper obtulit, sumis?* In Liturgia sancti Cyrilli Alexandrini, quam Victorius Scialachius ex Arabia in Latium transtulit, hæc leguntur pag. 63. editionis Augustanæ: *orate pro iis, qui procurant & suppeditant OBLATIONES & SACRIFICIA, vinum, oleum, thus, & VASA altaris*. Quid rei nostræ adcommodatius? Est Apostolica & nascentis ecclesiæ primæva phrasis. Munus enim, quod Deo offerebatur, duo significasse adnotat Hugo Gro-

CAP. XXII tius ad Matthæum V. 23. & XXII. 16. Primo *donum*, quod *altari* superponebatur, *sacrificii voluntarii* nomine expressum. Secundo *pecuniam in gazophylacium* missam. Utrumque sic Dei proprium censebatur, ut si quis per utrumvis iurasset, per Deum ipsum iurasse crederetur. Vide eundem Grotium ad Epistolam Jacobi V. 12. Quum Theodosius Magnus ob sublatum Eugenium Tyrannum *oblaciones* Deo fieri iussisset, sanctus Ambrosius de Augustali epistola id iubente hæc ad eum rescripsit epistola LXI. classe 1. tomo II. operum edit. novæ pag. 1017. §. 5. *epistolam Pietatis tuæ mecum ad ALTARE detuli. Ipsam ALTARI imposui; ipsam gestavi manu, quum offerrem sacrificium, ut fides tua in mea voce loqueretur, & apices Augusti, sacerdotalis OBLATIONIS munere fungerentur*. Ambrosius Theodosianam epistolam Deo *obtulit sacrificium*. Quod enim *defertur ad altare*, quod *altari imponitur*, & *sacerdotalis oblationis munere fungitur*, Deo *sacrificium* est. Verba sunt divino quodam spiritu plena, tantoque præfule digna.

XXII.

Ritus offerendi literas donationum testes super altare.

FLorente pietate Christiana maxime viguit apud majores nostros mos, religionis plenus, minimeque fucatus, quo res suas Deo sacrificantes, ipsas donationum testes literas manu sua Deo offerentes, deponebant super altare, in quo *VOTA populi & membra Christi* portari ait Optatus initio libri vi. de Schismate Donatistarum; quodque ab eodem sancto viro *sedes & corporis, & sanguinis Christi* appellatur. Morem hunc venerabilem chartas rerum testes Deo in *men-
sa*

sa sancta, quam etiam *propitiatorium* dixerunt, offerendi, servatum videmus in Regula Occidentalium monachorum Patriarchæ Benedicti cap. LVIII. ubi tiro *chartam*, qua in coenobium petit admitti, manu sua *super altare* ponere jubetur: ad quem locum vide Martenii Commentarium, pag. 776. Postmodum sacer hic ritus in alios manavit. Exstat enim in vetustissimis Agaunensium Regulis cap. 1. & Magistri cap. LXXXIX. in Codice Regularum, cujus editione Lucas Holstenius suam & alienam famam amplificavit. Eiusdem consuetudinis memor Gregorius Magnus libro IV. Expositionis in librum I. Regum cap. IV. §. 18. hæc literis consignavit: *quod coram nobis promittunt, DEO OFFERIMUS, ut ipse jam de MANIBUS NOSTRIS TENEAT quod exquirat*. Et mox: *quum ergo ea, quæ novitii requirunt, DEO OFFERIMUS, quasi CHIROGRAPHUM, quod nobis faciunt, illi DAMUS*. Iisdem pene verbis Gregorianis usum Stephanum III. in designanda *oblacionis charta*, sancto Petro Apostolo per Pippinum Regem Francorum exhibita, & super ejus altare posita, statim patebit. Decretum ponendi *super altare* donationis *epistolam*, habes in Baluzianis Capitularibus tomo I. pag. 95. Hujus disciplinæ, quam in Formulas suas retulit Marculus libro I. cap. I. in sacris donationibus exempla passim offendimus, & quædam profert Hieronymus Bignonius in notis ad Marculsum pag. 248. edit. II. Unum ex *donariis*, longe omnium magnificentissimum, a Carolo Magno *oblatum* non præteribo, cujus *chartam intus super corpus beati Petri* ab eo *propriis suis manibus positam* testatur Bibliotheca-

CAP. XXII

rius in Hadriano I. pag. 157. qui sane Pontifex hoc idem ab ipso Carolo *præsentaliter MANIBUS suis factum*, in memoriam ei redigit epist. LI. pag. 114. codicis Carolini editionis Petri Lambecii. Ante Hadrianum Stephanus III. ad Pippinum, ejusdemque filios Carolomannum, & Carolum Magnum ibidem hæc scripserat epist. IX. pag. 37. *CHIROGRAPHUM, vestram donationem, princeps Apostolorum firmiter TENET*. Ideo Hadrianus epist. XC. pag. 177. prope finem illud post Pippini obitum a Carolo sibi iterum factum, confirmatumque, vocat *sacram oblationem*, quam antea epist. LXXXV. pag. 166. *HOLOCAUSTUM beato Petro oblatum* vocaverat; ne quis jam habeat, unde procax neget, *sacrificium* fuisse quod magistri totius Ecclesiæ summi Pontifices *sacram oblationem*, & *holocaustum* Deo factum dixerunt. His jungendus rerum Liturgicarum præclarus interpretes Cardinalis Bona lib. II. cap. VIII. Eandem Pippinianam & Carolinam *oblationem* in magnis & celeberrimis ecclesiæ conventibus memoratam reperio. In Actione IV. Concilii II. Trecensis, A. D. 878. coram Johanne VIII. Pont. Max. celebrati, lecta fuerunt *diplomata & sacramenta* oblationum, ab iisdem piissimis Regibus Deo factarum: *deinde PROMISSIO Regum lecta est: & SACRAMENTA, quæ Pippinus & Carolus obtulerunt beato Petro Apostolo, lecta sunt*. Hoc Concilium speciatim coactum contra Spoletanos Duces, rerum sancti Petri invasores, aliosque bonorum ecclesiæ prædones. Exstat pariter Concilii Lateranensis anni 1122. sub Calisto II. Pontifice canon XXII. contra intrusos Archiepiscopos Ravennates, qui in
Exar-

Exarchatum invaserant . Ejus canonis laciniam Urbano II. falso adscriptam Gratianus refert XII. Q. II. C. xxxvii. *Alienationes* . Evolve Concilia Labbei to. IX. pag. 308. D. & tomo X. pag. 900. Quid in Concilio I. Lugdunensi A. D. 1245. coram Innocentio IV. & XI. episcopis actum sit , alibi dixi . Vide tamen Martenii Veterum scriptorum amplissimam collectionem to. II. pag. 1224. Denique in Concilio Tridentino Legati Regis Galliarum Pippini ; Caroli , & Ludovici merita in Sedem Apostolicam exaggeraverunt ob patrimonium sancto Petro Apostolo restituta ; quippe qui ei ditionem *multo majorem , quam nunc possidet , munifice & tam large donarunt ; immo restituerunt* . Id produnt Instructiones & epistolæ de Concilio Tridentino a Jacobo Gillotio primum vulgatæ , postmodum a Petro Puteano auctæ pag. 487. editionis IV. Genuinum sensum *restitutionum* S. R. E. factarum , de quibus plura alibi dixi , egregie explanat eruditus presbyter Jesuita Lælius Biscoli Mutinensis in Horis subsæcis tomo II. libro XIX. cap. XIV.

Quia vero hac præsertim ætate se nunquam desiderari patiuntur qui gravi in Romanam Ecclesiam malevolentia suffusi , ad laureolam sibi satis putant , si quæ a summis Pontificibus veniunt , petulant supercilio contemnant ; jam non amplius Pontifices , sed Occidentaliū Augustorū principem Carolū Magnum audiri postulo : qua in re cum iis agam liberalissimè . Itaque donationum Ecclesiæ factarum partes iterum veritatis studio suscipiamus , & Carolino
um.

XXIII
Donationes ecclesiæ factæ , ipsi Deo sunt factæ .

umbone alacriter defendamus ; quandoquidem cum his larvis nobis rursus luctandum est . Ne vero eum , cuius commenta excutimus , imitari videamur , paucis hoc faciemus . Carolus ergo in Capitularibus Baluzianis tomo I. pag. 406. se scire ait , *res ecclesie , Deo esse SACRATAS , & ab auferentibus SACRILEGIUM committi , quod SCRIPTURA de ipsis rebus DEO CORAM ALTARI , aut SUPRA , data fuerit : qua nimirum transmutationem induentes , ex non sacris in sacras evasissent . Idem maximus Imperator pag. 1002. omnia , inquit , que Domino , Ecclesieque a quibuscumque OFFERUNTUR , Domino INDUBITANTER CONSECRANTUR , & ad IUS PERTINENT SACERDOTUM . Et quia Christum & Ecclesiam , unam personam esse veraciter agnoscimus , quaecunque Ecclesie sunt , CHRISTI sunt .* Verba sunt , magni Caroli animo & religione dignissima . Decretum vetustius Dagobertinum , formulis Carolinis & pontificiis undequaque respondens , ponendi *super altare* chartas , donationum testes , habemus in iisdem Regum Francorum Capitularibus to. I. pag. 95. Id pro *sacrificio* majores nostri acceperunt . Anne Deum tam pio actu ludificare voluisse dicendi sunt ? Quis eo temeritatis prorumpat , ut tantum nefas illis affingat ? Ad veterem ritum , donationum chartas *super altare* imponendi , nos allusimus in carmine de Erfone Fori-Julii dynasta , qui medio seculo VIII. nostrae Abbatiae Sextensis auctor fuit . Illud propterea huic loco inferemus :

*Hic , ubi lene fluens se Reghena fundit in agros ,
Bacche tibi , caros , & tibi , flava Ceres ;*
Quum

*Quum Desiderius late dominatus in omnem
 Italiam, populis regia jura daret;
 Erfo, vir princeps, pietate Erfo inclytus heros
 Se famulum vocit, Virgo Maria, tibi:
 Quasque ades struxit, Benedicti pandit alumnis,
 Aris imponens grandia dona Deo.
 Ad sextum lapidem Concordia surgere vidit
 Arcem sanctorum, nomen & inde loco.
 Dicere non renuas qui religionis amore
 Tangeris: Erfonis molliter ossa cubent.*

Jam dictis consona habet Irene Augusta in Typico cap. vii. inter Analeſta Græca pag. 163. ubi vetat, ſacras Virgines, quibus Regulam ſcribit, quidpiam ex bonis mobilibus ſive immobilibus, quæ in ſuo parthenone, *Gratia plena* dicto, beatæ Virgini donum obtulerint, illinc, dæmone inſtigante, egreſſas, unquam reſumere poſſe. Rationem addit: *quod enim ſemel Deo conſecratum eſt, reſumi nequit: & qui illud reſumit, ſacrilegus eſt. Quali vero pena pleſtatur ſacrilegus, omnes norunt, licet id nos minime dixerimus.* Typicum iſtud ex autographo erutum blattis & tineis eripuit, & latinum fecit celeberrimus amicus noſter Bernardus a Montefalconis. Olim religio fuit in rem, tam probato & ſolemni ritu Deo oblatam, quicquam ſibi juris ſervare, niſi *proceſſionis* (nimirum omnis ſacræ officiorum & myſteriorum in eccleſia celebrationis) *gratiam, quæ Chriſtianis omnibus in commune debetur*, teſte libro Diurno Romanorum Pontificum pag. 92. & 102. Hujusmodi *proceſſionem* (ſive conventum populi ingentis) *ſexu ex utroque, quem capaciſſi-*
ma

*ma basilica (sancti Justi Lugdunenſis) non cape-
ret , & quamlibet cincta diffuſis crypta porticibus ,
lege apud Sidonium libro v. epiſt. xvii. Unam
ergo & veram cauſam habemus , cur a puris ve-
teris eccleſiæ monumentis juris & dominii cu-
juſcunque reſervationes omnino exſulent : quæ
longo poſtmodum intervallo a bonis viris Hen-
ricianis & Arnaldiſtis primum excogitatæ , emer-
ſerunt . His clariffima lux datur præcepto ſan-
cti Gelafii I. pontificis apud Gratianum xvi.
Q. vii. C. xxvi. *Piæ mentis* , cujus legitimum
ſenſum ob diſciplinæ veteris ignorationem non
eſt aſſectus Johannes Strauckius in Amœnitati-
bus juris canonici , Jenæ editis A. D. 1718. Ge-
laſii verba adſcribam , quia maxime huc faciunt .
Scripta vero ſunt ad Senecionem epiſcopum : *piæ
mentis amplectenda devotio eſt , qua ſe Julius no-
bis in re Juliana ſui juris fundaſſe perhibetur
eccleſiam : quam in honorem ſancti Viti confeſſoris
eius nomine cupit conſecrari . Hanc igitur , frater
cariffime (ſi ad tuam diœceſim pertinere non ambi-
gis) ex more convenit dedicari , COLLATA primitus
DONATIONE SOLEMNI , quam miniſtris eccleſiæ
deſtinaſſe ſe , præſati MUNERIS teſtatur OBLATOR ,
ſciturus ſine dubio , præter PROCESSIONIS aditum ,
qui omni Chriſtiano debetur , NIHIL ibidem ſe PRO-
PRII JURIS habiturum .* Gelafii locum Gratianeum
ex aliis ejus reſcriptis , ab Holſtenio editis , ex-
planat Ludovicus Thomaffinus in Vetere & nova
eccleſiæ diſciplina tomo II. libro I. cap. xxix.
§. vii.*

CAP. XXIV

XXIV

Donationes eccle-
siis factæ, *sacrifi-*
cium dictæ.

EX his pariter liquet, quam bene cum sanctioribus Musis rationem subduxerit qui post tot & tam luculentas formulas, veteri Ecclesiæ sermone prolatas, verbis ad proprium sui scribendi characterem expressis in patrimonium sancti Petri ea garrere est ausus, quæ magno studio ex ejusmodi auctoribus supplerat, quos socios, & consortes criminis, non patronos & defensores innocentiae jactare debuisset. Horum enim nanis, centies jamdudum explosis, chartas implere non desinens, eo festivitatis, ne dicam amentiae prolapsus est, ut in sacris *oblationibus* Deo factis ipse (cujus nomini parco) jus beneficiarium, quod *feudum* vocant, se tandem expiscatum, universo orbi nunciaverit. Ab hoc uno audaciae exemplo de ceteris sit conjectura. Mox de sapientum & proborum judicio parum sollicitus eo processit, ut *donationem* Caroli Magni *sacrificium* non fuisse palam ediceret: quod pariter ejus modestia dignissimum est. Causam adfert, opido egregiam, proptereaquod incruentum *sacrificium* corporis & sanguinis Domini nostri Jesu Christi *verum* sit *sacrificium*. Ego addo, & vere *propitiatorium*, ubi hostia & offerens ministerio sacerdotum Christus Dominus unum sunt, ex Concilio Tridentino sess. xxii. cap. i. ii. iii. & canone ii. Anne ergo apud Catholicos infra Eucharistiae *sacramentum*, quod non solum est *sacramentum*, sed etiam, ut ait sanctus Thomas Parte iii. Q. lxxix. Artic. vii. *sacrificium*, & quidem longè omnium sanctissimum, & vere ac prorsus divinum, in quo cogitando totis artibus contremiscimus, aliud nul-

K

lum

lum est *sacrificium* (non tamen *sacramentum*) quod quilibet etiam non sacerdos Deo offerre possit ? Sed nimis hebetes nos putas , ut tua hæc dicta nobis propinari patiamur , o homo , theologiam crepans , quam Patres , interque hos Augustinus libro x. de Civitate Dei cap. vi. ipsique summi Pontifices ignoraverunt . Ignoravit etiam in hac luce literarum vir insigniter doctus , multisque de re ecclesiastica scriptis editis ubique percelebris Johannes Morinus in Historia summi imperii Ecclesiæ Romanæ pag. 635. §. v. ubi *donationem* Carolinam ab Hadriano I. Pontifice veri *holocausti* vocabulo recte designari monstravit . Quemadmodum enim *holocaustum* est *sacrificium* Deo prorsus oblatum , inque ejus honorem tam perfecte absolutum , ut nec populus , nec sacrificans quidquam inde sibi retineant ; ita Reges Francorum magnam Italiæ partem Deo in honorem sancti Petri donum offerentes , nihil sibi juris in eam retinuerunt . Locus sancti Hilarii in Psalmum LXV. §. 23. pag. 181. operum editionis novæ huc referendus : HOLOCAUSTA *sunt* INTEGRA *bosiarum corpora* , quæ quia TOTA ad ignem *sacrificij* deferebantur , HOLOCAUSTA *sunt* nuncupata . Quis paullum sui compos hæc in sermone Hadriani Pontificis non statim agnoscat ? Phrasis est mere liturgica . *Sacrificio* autem illi eucharistico veri elogium tribuit Concilium Tridentinum contra id negantes hæreticos Zwinglianos , qui *Sacramentarii* per antiphrasin vulgo dicuntur . Nec tamen dicit , aliud nullum *verum sacrificium* infra illud omnium maximum dari , ubi sit *oblatio* , quam de ratione *sacrificij* esse ,
ne-

nemo ambigit. At vero nullum *sacrificium* dari, quod cum illo eucharistico atque intruente conferri ullo modo possit, quis unquam ignoravit, o flos illibate criticorum, & theologorum ocellus, præ quo alii cœcutiunt? Consulendus Gentianus Hervetus pag. 110. Admonitionis ante Nicolai Cabasilæ interpretationem in divinum sacrificium inter Liturgias sanctorum Patrum Luteciæ excusas apud Guillelmum Morellium A. D. 1560. in forma folii. Pudet me tam obvia & nota festari, ut confidentissimi hominis procacitatem refellam: quam contempsissem, si ab ecclesiæ Romanæ contumelia temperasset. Hanc ferendam minime censui. Si Hervetus non sufficit, adeundus Concilii Tridentini Historicus Sfortia Cardinalis Pallavicinus libro XVIII. cap. 1. §. 1. sed & Guillelmus Estius, spectatissimus theologus, in libro 111. Sententiarum Dist. XIX. §. 5. cujus Commentariis sancti Thomæ Summa theologica pariter illustratur. Cui vero in donationibus Deo factis veri *sacrificii* & *holocausti* nomina displicent, anne sacræ *oblationis* nomen, arrisurum putabimus, quo similiter usum vidimus Pontificem Hadrianum? Atqui *oblatio* ipsum *sacrificium* dicitur in Missali Mozarabum & alibi passim: quod argumentum sedulo pertractavit vir a me sæpe alias laudatus, nec satis pro merito unquam laudandus Cardinalis Thomasius in peculiari opere, nondum edito, quod inscribitur: *Breviculus aliquot monumentorum veteris moris, quo Christianifideles ad seculum usque x. utebantur in celebratione Missarum*. His finem imponant verba sancti Doctoris & Theologorum principia

Thomæ Aquinatis 2. 2. Quæst. LXXXV. Artic. IV. in fine : quæ, ut puto, militis gloriosi & sæpe insultantis jactantiam satis compescunt : *Sacerdotes offerunt SACRIFICIA, quæ sunt specialiter ordinata ad cultum divinum, non solum pro se, sed etiam pro aliis. Quedam vero SUNT ALIA SACRIFICIA, quæ quilibet potest pro se Deo offerre.* Hæc alia sacrificia quascumque oblationes Deo factas in primis comprehendunt. Sed jam manum de tabula ; nam occasione formulæ *de donis Dei & domni Petri*, in *Disco Albano* exarata, hæc dicta sufficiunt.

FINIS.

IN-

INDEX

RERUM

Numeri Romani præfationem, vulgares librum indicant.

A

- A** *Gnellus Ravennas* 26. 27.
Aguirrius Josephus Cardinalis 59.
Alaricus Gothorum Rex cum suis opibus sepultus xxiv. *donariis & adibus sacris Romæ parcis* 9. 10.
Albanum museum 39.
Albanus Alexander Cardinalis 2.
Albanus Annibal Cardinalis 85.
Alcyonius Petrus orationem habet ad Carolum V. pro Clemente VII. e custodia liberando 10.
Aldhelmus sanctus, orbiculatas vestes in Virginibus sugillas 34.
Alexander Hieronymus junior xi. xvi. xviii.
Alexander Hieronymus senior Cardinalis 6.
Alemannus Nicolaus xvi. 50. 63.
Allatus Leo xvi. 61.
Alfaranus Tiberius 34.
Altare Langobardicum in Coniugia Fori-Julii 31.
Alteserra Antonius Dadinus 3.
Ambrosius sanctus, Theodosii Augusti epistolam Deo offert sacrificium 66.
Anastasius Majordomus 25.
Ansidus M. Antonius Archiepiscopus Damiatæ 39.
Aquilejensis Ecclesia 24.
Arcarii munus 19.
Aringbius Paulus Romæ subterranea latinus interpres x. 40.
Aruobius XLIV.
Asellus, Christianus adolescens 39. 40.
Attila Hunnorum Rex cum suis opibus sepultus xxiv.
Augusti, artium mechanicarum periti 62. 63.

B

- B** *Accbinus Benedictus* 28.
Baldus Bernardinus 52.
Bandurius Anselmus xxxv.
Barberinus Franciscus senior Cardinalis summe laudatus xv. xvi. 19.

Ba-

Baronius Caesar Cardinalis 18.
 34. 50. 60.
Bartholomaeus Caspar xxxi. 36.
Bartholinus Thomas junior
 xxv.
Bandelotius Caesar xl. xli.
Bayerus Theophilus Sigefridus
 xxv.
Baynus Lazarus 4.
Belisarii clypeus 13.
Bertolus Johannes Dominicus
 24.
Bipedale carmen 57.
Biscola Latus 69.
Blanchinus Franciscus 23.
Bollandus Johannes xvi.
Bona Johannes Cardinalis xvii.
 8. 18. 60. 68.
Bonarotius Philippus senator
Florentinus xix. xxiii. 8.
 13. 33. 39. 40. 51. 53. 55.
Boncompagnus Franciscus Car-
dinalis x.
Bosius Antonius x. xiii. xiv.
Brouwerus Christophorus 24.
 37.
Bucherius Aegidius 39.
Bulengerus Julius Caesar 2.

C

C *Anglus Carolus* 20. 21.
 22. 39. 40. 37. 53. 54.
 60. 63. 64.
Cannerus Petrus Abbas Camal-
dulensis xxiii. 13. 54.
Cappellus M. Antonius xvi.

Carinthia Dux Henricus 24.
Marquardus ibidem.
Carolus Magnus vasa aurea of-
fert in confessione beati Pe-
tri 64. *Ejus majores a Tro-*
janis derivasse crediti 57.
Donatio Ecclesia Romanae ab
eo facta, suis sacrificium 73.
 74. 75.
Castalio Josephus xxxi.
Castellana civitas 32. 33.
Cedrenus Georgius 19.
Cervi argentei aquam funden-
tes 28.
Cbiffletius Johannes Jacobus
 xii. xv.
Cbiffletius Petrus Franciscus
 xvii.
Cbilderici I. Regis sepulcrum
 xxvi.
Cbimentellus Valerius 61.
Cbisbullus Edmundus 36.
Christiani sermone simplici usq-
ue xliv. *Eorum opes pro Dei*
cultu 9. *Studium in oruan-*
dis locis Deo sacris 28. 29. *Il-*
lorum antiquitates illustran-
da ix.
Ciaconius Alphonsus Christianus
antiquitates colligit xii.
Ciampinus Johannes xviii. 40.
 52. 64.
Ciburum Langobardicum in
agro Veronensi 30.
Clement xl. *Pont.* 39.
Clypei votivi antiquorum 13.
Vide Disci. Orbiculi. Tho-
vaces. Ca-

Cobellutius Scipio Cardinalis
xi.

Cointius Carolus xxvi.

Columbanus sanctus 17.

Commodianus 16. 37.

Compagnius Ludovicus x.

Concilia, in quibus memorantur
donationes a Pippino & Ca-
rolo Magno facta beato Pe-
tro 68.

Constantini Magni de Maxen-
sio victoria in Disco Perusino
expressa 14. 15. 16. *Cervi*
argentei ab eo in baptisterio
Lateranensi oblati 28.

Contelorius Felix 16.

Crescimbenius Johannes Ma-
rius 21. 22.

Cujacius Jacobus xxx. 2.

D

D *Andi formula* 50.

Datus Carolus 8. 55.

Densfedis Archiepiscopus Ra-
vennas 22.

Diaconia Cosmediniana 21. 22.

Diaconia sancti Nicolai in car-
cere 24.

Disci votivi antiquorum 12. 13.

Vide Clypei. Orbiculi. Tho-
racet.

Discus argenteus votivus Pe-
rusia repertus 19. 20. 21.

Ejus pondus & pretium 1. 2.

Sancto Petro in Basilica Va-
ticana oblatus 17. *Ejus ce-*

latura 12. *Quando ex sancti*
Petri basilica ablati & *Pe-*
rusia sepultus XLII. XLIII.

Disibodus sanctus 13.

Dodovellus Henricus 13. 26.
37.

Dometius diaconus & Arcarius
Apostolica sedis 19.

Domnus & Dominus, sanctus
Petrus honoris causa ita di-
ctus 36. *Domni vocis anti-*
quitas 37.

Dona Dei, formula in variis
inscriptionibus explicata 17.

18. 19. 20. 21. 22. 23. 24.

25. 26. 27. 30. 31. 32. 33.

Expressa in liturgiis 47. 48.

Donationes ad valvas Ecclesia-
rum insculptae 22. *Sacrifi-*
cium & holocaustum dicta

73. 74. *Ipsi Deo facta* 69.

70. 71. *In altari oblata* 66.

67. *Etiā a Pippino & Ca-*

rolo Magno 68.

Donius Johannes Baptista 16.

E

E *ccardus Johannes Georgius*
28.

Erfo dynasta Fori-Julii auctor
Abbatia Sextensis 74.

Estius Guillelmus 75.

Eulogix varii generis 60. 61.

Eustathius dux, Diaconia Cos-
mediniana benefactor 22.

Fa-

F

- F**aber Hieronymus 27.
 Faber Tanaquillus 37.
 Fabrestus Raphael XVIII. 19.
 Fanones varii generis 65.
 Feliciter, formula diversa ab
 utere felix 56.
 Ferrarius Franciscus Bernardi-
 nus 27. 56.
 Ferrarius Octavius 54. 55. 63.
 Fibula aurea xx. xxi.
 Fortunatus Venantius 41. 60.
61.
 Fountaine Andreas 41.

G

- G**Abata sive lances & disci
 in ecclesiis 2. 4. 5. 6. 7.
 In orbiculo verbis instructa
61.
 Garnerius Johannes 21. 45.
 Gelafii 1. Pontificis praeceptum
 illustratum 72. Codex 47.
 Germani veteres cum suis opi-
 bus sepultri xxiv.
 Gillotius Jacobus 69.
 Gloriosissimi titulus 22.
 Goarus Jacobus xxvii. 47.
 Goldastus Melchior xxx.
 Gorbi cum suis opibus sepultri
xxiv. Gorbus miles cum disco
 Perusia effossus ibidem.
 Grævius Johannes Georgius 55.
 Gregorius sancta Sedis Nota-
 rius 21. 22.

- Gregorius Magnus 67.
 Gregorius II. donationem facit
 beato Petro 34. 35.
 Grolierius Casar 10.
 Gronovius Johannes Fridericus
55.
 Grotius Hugo 65. 66.
 Gruterus Janus 27.
 Gualdus Franciscus 10.

H

- H**Adrianus I. pontifex do-
 nationem Carolinam vo-
 cat holocaustum 74. Porri-
 cum dicat in diaconia Cosme-
 diniana 21. 22. 36.
 Harduinus Johannes xxvi. 16.
 Hermannus Godefridus 62.
 Hervetus Gentianus 75.
 Heumannus Christophorus Au-
 gustus xxx.
 Hiccius Georgius 41.
 Hilarii sancti locus de holo-
 caustis 74.
 Hildebertus Cenomanensis 48.
49.
 Holocaustum, idest oblatio Deo
 facta 68. 74. Vide Sacrifi-
 cium.
 Holstenius Lucas xvi. 46. 51.
67.
 Homiliarium Pauli Diaconi 57.
58.

I

I Accbettus Johannes 65.
 Jauningus Conradus 8. 34.
 Inscriptiones in gyrum dispositae 16.
 Interrasile quid denotet 5.
 Irenis Augusta Typicum 71.
 Julianus Tolosanus 58. 59.
 Junius Franciscus junior 63.
 Justinianus Augustus sanctam mensam Deo dicat 20. Vasa aurea offert in musivis Ravennatibus 65.

L

L Abbeus Philippus xvii.
 Lambecius Petrus xvii.
 Laucellortus Claudius 7.
 Leibnitius Guillelmus 58.
 Leo Episcopus civitatis Castellanae 33.
 Leo Isauricus 34.
 Leo III. Pontifex orbiculos Deo novet 53. Basilicam Ravennatensem beneficiis ornat 49.
 Litteratorum laudes magni faciende xviii.
 Liutprandus Rex Langobardorum 29.
 Longuerue Ludovicus 57.
 Lupus Christianus xvii.

M

M Abillonius Johannes xxv.
23. 24. 25. 27. 47. 51. 58. 62. 63.

Macarius Johannes Christianus antiquitates illustras xi. xii. xiv.

Magister, dictus sanctus Petrus 38.

Mallius Petrus 34. 35.

Marcus Abbas sanctae Praxedis 24.

Mareus Philibertus xvii.

Margarinus Cornelius xvii. 19.

Marrenius Edmundus 60. 65. 67. 69.

Martialis, de gabatis explicatus 4.

Martinellus Floravantes 24.

Matbildis Comitissa donatio Ecclesiae Romanae facta, in marmore insculpta 24.

Mauricius Augustus 56.

Maurus Rabanus 25.

Maxentius Tyrannus a Constantino Magno devictus, in disco Perusino expressus 14.

Maximianus Ravennas Archiepiscopus 64.

Mediobarbus Franciscus 35.

Menardus Hugo 38. 60.

Menetresus Claudius xvi.

Mensa sancta, dicta etiam ara Dei 46. A Justiniano Augusto Deo dicata 20.

Milesius Martinus x.

Milites veterum Germanorum statuta aestimati xxx.

Miraeus Aubertus xiv.

Modoetia opidum & ejus Ecclesia xxvi.

L

Mo-

Molinetus Claudius 41.
Molinus Dominicus XL.
Montefalconius Bernardus XL.
71.
Montemellinus Adamantius 22.
Morinus Johannes xvii. 22. 74.
Munera ab oblationibus distin-
cta 18.
Mutinenfis thesaurus pridem
effusus XL.

N

N *Adæm Gabriel* xvii.
Nazianzenus Gregorius
64.
Niceta Serronius 62.
Norifus Henricus Cardinalis
xvii. 15. 50.
Nota numerales in nummis
xxxvi. xxxvii. xxxviii.
Nummi veteres Perusia reperi-
ti xxxiv. & *alibi* xxxviii.
Pontificum Romanorum 38.
42. 43. 44. 45.
Nuptius Ferdinandus Cardina-
lis xxiii.
Nutritor, sanctus Petrus ita
dictus a summis Pontifici-
bus 36.

O

O *Blatio, idem ac sacrifici-*
um 65. 74. 75.
Oblationes a muneribus distin-
cta 18.

Orbiculi, clypei, & disci voti-
vi 50. *Acu picti* 52. 53.
Orbiculus votivus cedrinus in
lapide Christiano memoratus
51.
Orosius Paulus 9.
Ottolinus Comes de Ottolinis
30.

P

P *Allavicius Sfortia Cardi-*
nalis 75.
Papebrochius Daniel 51.
Panvinus Onuphrius 27. 48.
Passioneus Dominicus Ephefius
Antistes 7.
Patricius Johannes Cardinalis
xxiii.
Paulus Diaconus 56. 57. 58.
Peirescius Nicolaus XL.
Pemmo Dux Fori-Julii 31.
Pergula, in qua exponebantur
sacra donaria 8.
Perusia ab Octavio obfessa XL.
& a Gothis XL. XLII.
Petavius Paulus 41.
Petrus sanctus in disco Albano
memoratus 12. 17. *domnus*
dictus 36. & *magister* 38.
Pbari penduli in ecclesiis 8.
Pignorius Laurentius XL.
Plebs, alias sancti Petri ades
Tiberiaci 31. 32.
Plumaria ars 52.
Pontificalis liber Anastasio scri-
batus 2.
Possinus Petrus xvii.

Pra-

Praxe pro Præmedis 24.
Pricans Johannes xvii.
Processio 71.
Procopius explicatus xli. xlii.
Pulicella Vallis in agro Veronen-
senfi 29. *Ciborium in ejus*
ade sancti Georgii 30.

R

R *Archibisus Dux Fori-Julii*
31.
Ravennatis Ecclesie musica ex-
plicata 64.
Reinesius Thomas x. 40.
Relandus Petrus 51.
Rogerius Sicilia Dux 41.
Roma a Totila obsessa & occu-
pata xli. xlii. *Ab Alarico*
Rege capta 10. *Sub Carolo V.*
directa ibidem.
Romani Principes sancti Pe-
trus & Paulus 38.
Rosoveyda Heribertus xlii. 64.
Rubinius Albertus 54. 55.
Rubeus Hieronymus 27. 28. 54.
63.
Rufinus explicatus 52.
Ruinatus Theodericus 56.
Rychius Theodorus xvii.
Ryquius Justus 12.

S

S *Abellicus M. Antonius* 2.
Sacrificium eucharisticum
verum contra Zwingianos

dictum a Concilio Tridentino
74. *Etiā oblatio* 65. *Vide*
Donationes . Holocaustum .
Salmastius Claudius xxx. 52.
54.
Salvianus Massiliensis 29.
Salvo, formula gentilis &
Christiana. 27.
Sancti prænomen 39. 40.
Sanctus, vox quomodo antiqui-
tus contracta 40. 41. 42. 43.
44. 45.
Saracenicæ regulæ xxii.
Saxiscus quid deoret 6.
Scaliger Josephus 52.
Schannatus Johannes Frideri-
cus 50.
Schefferus Johannes xxv.
Scialacbius Victorius 48. 65.
Schottus Andreas xxx. 37.
Senatorium, locus, ubi sacræ
liturgiæ aderant viri princi-
pes 63.
Sepulcra Gothorum & Lango-
bardorum nulla in Italia
xxix. *veterum Francorum,*
sine exteriori signo xxv.
Christianorum extra urbium
portas xxxiii.
Sepulcrorum violatores gravi
pæna multati apud Visigo-
thos, Bavaricos, & Lango-
bardos xxvii. xxviii.
Severanus Johannes Christian-
us antiquitates illustrat x.
Severus, presbyter tituli sancti
Petri a Vinculis 51.
 L 2 Sexten-

- Sextensis Abbatia* 74.
Silentiarius Paulus 20. 22. 63.
Sirletus Guillelmus Cardinalis
 47.
Sirmondus Jacobus xi. 27. 60.
Sollerius Johannes Baptista 39.
Spanhemius Ezechiel 37. 52.
Spassandus Complutensis Epi-
scopus 59.
Spelmannus Johannes 41.
Spoleatani duces rerum sancti
Petri pradones 68. 69.
Statura in militibus requisita
 xxx. xxxi.
Strauckius Johannes 72.
Quaresius Josephus Maria xvi.
55.
Symposius anigmatum scriptor
 xxx. xxxi.
locis reperti xxxviii. xxxix.
 xl.
Thomas Aquinas sanctus 73.
 75. 76.
Thomasinus Ludovicus 72.
Thomasius Josephus Maria Car-
dinalis xvii. 47. 75.
Thorax pro clypeo sive orbi-
culo 52. 54.
Tillemontius Sebastianus 62.
Tomasius Jacobus Philippus
61.
Tosila Romæ & Persiani obfi-
det xli. xlii.
Trebellius Pollio explicatus 52.
Turonensis Gregorius 55.
Turrigius Franciscus, Maria 26.
27.

V

- T**
Tabulæ ab orbiculis diver-
sæ 54. 55.
Tiberiacum opilum Flaminia
29. 31. 32.
Tiberius Constantinus Augustus
filiam Constantinam uxorem
tradit Mauricio 56.
Theobaldus Abbas 65.
Theodora Augusta vas aureum
offert in musæis Ravennati-
bis 64.
Theodosius Magnus ob sublatum
Eugenium Tyrannum oblatio-
nes Deo fieri jubet 66.
Theauri nummorum variis in
Alens Augustus dona au-
rea, quæ ipsemet fecerat,
Deo offert 62. 63.
Valesius Henricus xvii.
Vasa ecclesiæ Christiana 11.
Aurea & argentea Deo, san-
ctisque oblata 62.
Obaldinus Fridericus xvi.
Venetorum denarii veteres 41.
Vergara-Cæsar Antonius 41.
Vers Claudius 49.
Vestes sacrae orbiculatæ 54.
Vghellus Ferdinandus xvi.
Vicus Eneas 5.
Vignolius Johannes 41.
Urbiculus pro orbiculus 51.
Ursacus Sertorius 37.
 Offe-

Vfferius Jacobus xli. **57.**
Utere felix, formula explicata **55.**

Vvaddingus Lucas xvi.

Vvbartonus Henricus **54.**

Vvborada sancta **65.**

Vvingbius Philippus Christia-
mas antiquitates illustrat xlii.
 xliii. xiv.

Vvodalricus I. Patriarcha A-
quilojensis **24.**

Vvormius Olau xxv.

Z

Z *Abarella Franciscus Car-*
dinalis xi.

Zeno Augustus xxxvi.

Zeno sanctus Veronensis in
sepulcra defodientes clamat
 xxvliii.

F I N I S

PAUCULA ADDENDA

Pag. xix. lin. 7. Philippos lege Philippus.

Pag. 12. lin. 14. post chlamyde, adde, retro ex levo humero pendente,

Pag. 15. lin. 18. ante, Cades, hæc adde. Inter numismata ærea maximi moduli, nuperrime ex museo olim Corrario, nunc Pisano, Venetiis edita, tabula lxxx. exstat Constantinianum unum & alterum, quorum pars averfa, ut in Disco, equitem armatum refert, hasta ferientem hominem nudum hastatum in terram collapsum. Primi epigraphæ est VIATVS. AVG. N. Alterius vero DESELLATORI. GENT. BARA. In utroque tamen deest gladius equiti, clypeus, parazonium & chlamys militaris pediti. Ad hæc fluvius & stirps fluvialis. Hæcenim Barbarum quempiam a Constantino prostratum militem, non Maxentium in Tiberium dejectum, ut in Disco, ob oculos ponunt.

Pag. 31. a fine lin. 3. ante, Jam, hæc adde. Proferamus hoc loco inscriptionem cum suis navis, nudiustertius erutam in veterimo Titulo

san-

sandti Clementis, quum illius Presbyter Cardinalis amplissimus Annibal Albanus pro sua pietate & magnificentia eandem sacram ædem interius ornandam curaret :

❖ *Hisraheliticus dō offerebat populus tui
 Alius quidem aurum, alius namque argentum,
 Quidam coque aes, quidam vero pilos caprarum.
 Infelix autem ego Gregorius primus PBR almae
 Sedis Apostolicae, huiusque Tituli gerens
 Curam, ac beati supremus cliens Clementis
 OFFERO DE TUIS haec tibi, Christe, THESAURIS
 Temporibus sc̃ss Zacchariae Presulis summi
 Per martyrem, & sc̃m parva munuscula tuum
 Clementem, cujus meritis merear delictis carere,
 Atque ad beatam aeternam ingredi vitam.
 Aisti, quantum habes, regnum valet caelorum,
 Suscipe hos DNE velut minuta viduae, queso,
 Veteris novique Testamentorum denique libros,
 Oseeuchum, Regum, Psalterium ac Profetarum,
 Salomonem, Esdram, storiarum ilico plenos
 Require syllabarum lector sequentiam harum.*

Pag. 35. lin. 14. ante finem, devenreor, lege, deveneror.

